





太宗文皇帝

命洪武三十五年八月壬子朔遣使以即位詔諭朝  
鮮

勅歷城侯盛庸比以山東未定命卿鎮守淮安今山  
東布政使鐵鉉亦已就獲諸郡悉平是皆

宗社之靈輸生民之福朕思山東軍民困於兵革轉  
輸已久卿其息兵養民使各得其所糧餉續有處

分

命後軍都督府都督同知陳用都督僉事曹遠掌山  
西行都司事

命左軍都督府左都督劉貞鎮守遼東其都司屬衛  
軍馬聽其節制 賜錦衣衛侍衛將軍王翔等四  
百餘人鈔各五錠

夜有星如盞大青白色光燭地出奎宿東南行至  
近濁

癸丑

上以天下耆民皆來朝諭禮部臣曰方今秋成之際  
有妨收穫速分遣人即所在止之

命茹鑑為中奉大夫宗人府儀賓以秦王第二女長  
安郡主配之鑑兵部尚書茹璫子也

甲寅

上謂禮部臣曰今諸王并世子郡王多未婚其下河  
南山東山西北平諸司訪求官員軍民及前朝故  
官禮法之家有女子及笄容貌端厚德行脩謹者  
官給舟車令父母親送至京以備選擇 求民間  
識字婦女充內職

上謂禮部臣曰國家稽古置六尚之官以典內事舊  
制選民間識字婦女充之今六尚俱未有人爾禮  
部榜示中外凡軍民之家有識字婦人年三十至  
四十女子年十七以上不拘容貌但願赴選者官



給駟舟令其父母親送京師量授以職其合得俸以給其親仍復其家婦人年至五十願還鄉者女子給事十年以上願還家及適人者俱從之上以北平山東河南累年經兵民缺耕牛特命工部於直隸鳳陽淮安等處以官牛給之

丁巳

遣官釋奠先師孔子初

上以北平各衛糧乏命戶部悉停天下中鹽專於北平開中其淮浙鹽每引米三斗河東二斗四川一斗五升聽大小官員軍人等皆中不拘次給至是

戶部侍郎夏原吉具天下中鹽處所以聞

上曰雲南金齒衛楚碓府四川鹽井衛陝西甘州衛勿停餘悉停之

戊午

祭

太社

太稷 陞中書舍人黃淮為翰林院編脩 遣使賫

詔諭官覺寧藏烏思藏必力工瓦思達藏朵思泥八刺等處并以金帛彩幣頒賜灌頂國師等凡白金二千兩百兩綵幣百十表裏 寧王權遣人奏

卜請封國欲得杭州賜書報之曰杭州昔

皇考嘗以封第五子為吳王後考古制天子畿內不以封諸侯遂改河南建文不遵

祖訓封其弟兄通為吳王衆非之往者嘗許弟自擇

封國吾未嘗忘今博考於衆咸謂建寧荊州重慶

東昌皆善地弟可於四郡內擇一郡遣人報來庶

好經營王府 夜有星如鷄子大青白色有光出

尾宿西南行至雲中

己未

封周王楠第二子有勳為汝南王第三子有烜為

順陽王第四子有燭為祥符王第五子有燿為新

安王第六子有光為永寧王第七子有燭為汝陽

王第八子有燿為鎮平王第九子有煇為宜陽王

齊王樽第二子賢煇為樂安王第三子賢峻為常

山王第四子賢寔為平原王 冊隸州衛指揮丁

剛女為汝南王有熨妃 遣勅符召秦王尚炳

陞太常寺左寺丞王勉為本寺右少卿改右寺丞

端礼為左寺丞以袁廷王為右寺丞廷王嘗以風鑿

受知潛邸及是召至而官之賜四川行都司都指

揮同知程達鈔二百錠



命左軍都督府左督何福佩征虜前將軍印充總兵  
官往鎮陝西寧夏等處節制陝西都司行都司山  
西都司行都司河南都司官

命左軍都督府同知韓覲往江西等處操練軍馬整  
點城池廣東都司福建行都司軍馬聽其節制  
定罪人輸作之例笞罪五等後五日杖罪五  
等每等役十日徒罪准所徒年月加以應杖之數  
輸役流罪三等俱役四年一百日並役滿日釋之  
襍犯死罪輸役終身

庚申

製唐王極郢王棟伊王樸儀仗 復北平右布政  
使曹昱官昱洪武中任布政使建文初黜為民至  
是復召用之 擢監生丁琰姚山林從李晟俱為  
給事中 復朱暉廣西都指揮僉事建文中暉  
坐累免至是復之

辛酉

陞指揮僉事張忠為金吾前衛指揮同知  
壬戌

代王桂及其世子遜端來朝 以岷王榘與西平  
侯沐晟交惡賜書諭榘曰嘗聞

皇考之訓朕年二十四五尚未有子時沐英甫八歲  
因兵受厄父母不得復會朕撫育之恩同其父後  
乃命復本姓因其軍功封為西平侯俾控御諸夷  
十餘年間朕無西南之憂者以英在也言猶在耳  
後因歿特追封為黔寧王蓋不次之恩也既以子  
春嗣侯爵春卒弟晟繼之歷觀群臣受

皇考恩未有如沐氏者矣今晟所為適養間信小人  
干犯吾弟固不可容但念及父佐命開疆之力不  
忍罪之特召至京以懲戒之其下小人亦不輕宥  
况又思雲南重地昔倚任其父而蠻夷率服故仍

遣晟往款其安邊撫夷必如乃父存日庶幾不負  
皇考之恩若不能改過負德隳功他日以國法正之  
未晚吾弟亦宜念黔寧之親及其安邊之功晟雖  
有罪置之度外可也 禮部言大統曆例在

先 歲九月朔欽天監進呈比因

皇上即位之初造曆未備請以十一月朔進

上從之命著為令 改浙江按察司僉事袁復為大  
理寺左寺丞以江西右叅議戚繼為右寺丞時繼  
以罪當降而兵部尚書茹常言其才可用故有是  
命 陞四川行都司都指揮同知程達為前軍都



督僉事仍命掌四川行都司事鎮守城池整肅兵  
備建昌等衛指揮使汪讓為湖廣都指揮使唐琮  
為江西都指揮使徐諒為四川都指揮使徐鑑為  
四川行都司都指揮使火旺為河南都指揮使調  
河南都指揮使葛進為寧衛事

癸亥

晉王濟熿未朝賜書諭曰吾與尔父皆

皇考妣所生自少友愛深厚尔為

皇考妣長生鍾愛尤篤今尔父雖逝吾豈不知体

皇考妣之心乎正圖與尔共享富貴且西北重鎮資

爾控馭爾居國年久令譽以著撫安藩平方有望  
焉時曹國公李景隆數言其過

上雖不信而濟熿聞之內懷憂畏故慰安之景隆昭

德王濟熿妃父云襲封衍聖公孔鑑卒訃聞輟

朝一日遣行人充誠賜祭鑑先聖五十八代孫也

後設建陽衛杭州前衛

甲子

命西平侯沐晟鎮守雲南雲南都司屬衛聽其節制

初晟曰昔我

皇考太祖高皇帝當擾攘之時年二十余尚未有子

爾父英終八歲父母俱歿于兵氛氛來依

皇考皇妣憐之撫育為子既有朕兄弟

皇考以沐氏不可無後命復本姓承其宗祀屢從征  
伐積有功勞封西平侯雲南既定出鎮十有餘年  
朝廷無西南之憂所以累增產業異延子孫永保  
富貴爾父卒追封黔寧王以爾兄春嗣侯爵春卒  
無子命爾嗣之歷觀群臣受恩深重未有過爾父  
子者也聞者爾為小人所惑干犯岷王朕念

皇考皇妣教育爾父之恩及爾父佐命開疆之功不  
忍寘爾于法姑宥不問仍令鎮守雲南爾當深思

皇考皇妣再造之大德迪爾父之行以圖厥終爾其  
念哉實授兵科試給事中龔鏊為本科給事中  
陞金吾左衛千戶梁得為本衛指揮同知

上初以北平軍餉不繼欲出獄囚輸米贖罪以給之  
且省餽運之勞命法司議至是法司議奏除十惡  
人命強盜及笞罪不坐外其雜犯死罪輸米六十  
石流罪三等俱四十石徒罪一年十石一年半十  
三石二年十六石二年半二十石三年二十五石  
杖罪五等六十者四石七十以上每等加五斗輸  
畢釋之從之時江西廬陵縣民有嘯聚劫掠者



江西三司奏請發兵討之

上曰此無能為患而官軍一出必傷及善良但遣一使持勅諭之可遂遣行人許子卜謨齊勅諭曰昔

我

太祖高皇帝開基創業首得江西資其供給以定天下三十餘年屢加恩澤民皆樂生近建文信任匪人改更成法至兵禍連歲軍需百費皆出于民科歛誅求日甚一日有司又不能撫卹箠楚橫加嗟怨盈路民不聊生無所控訴致有潛避山林保全性命皆出于不得已也念其所自亦可矜憫朕即

位之後一切罪犯悉赦不問今為天下主謹守成法嘉興百姓共樂治平獨爾等未復本業因而劫掠群臣奏請調兵勦捕朕恐兵戈所加誤及善良有所不忍故特差行人齎勅諭爾宥爾之罪其即各復原業永為太平之民如執迷不悛發兵討罪後悔無及仍勅都督韓觀往招撫之夜金星入角宿有星如雞子大青白色有光出牛宿西北行入天市東垣内一小星随之

丙寅

招德王濟曠來朝  陞寧國指揮同知蔡本為浙

江都指揮使羽林前衛千戶高政為本衛指揮僉事錦衣衛散騎舍人翁若為旗手衛指揮僉事增設湖廣藍山縣大橋巡檢司左右副巡檢各一員廣東陽山縣兩岸星子二巡檢司瓊州府苗山蓮塘二巡檢司廣西柳州府忻城縣長安巡檢司副巡檢各一員 初

上以征討將士久效勤勞命禮部以

太祖高皇帝陞賞條例參酌行之至是奏定賞格竒功領隊將校陞二級指揮賞銀五十兩綵幣八表裏鈔六百貫千戶衛鎮撫儀衛正副銀三十五兩

綵幣六表裏鈔五百貫百戶所鎮撫典伏銀二十兩綵幣四表裏鈔四百貫總旗銀十八兩絹三疋綿布四疋綿花五斤鈔五百貫小旗銀十五兩絹三匹綿布四疋綿花五斤鈔三百貫隨伍指揮千戶旗軍銀十三兩絹三匹綿布四匹綿花五斤鈔二百五十貫頭功領隊將校陞一級指揮賞銀二十兩綵幣六表裏鈔四百貫千戶衛鎮撫儀衛正副銀十五兩綵幣四表裏鈔三百貫百戶所鎮撫典伏銀十三兩綵幣三表裏鈔二百五十貫總旗銀十二兩絹三匹綿布四匹綿花五斤鈔



二百五十貫小旗銀十兩絹三匹綿布四疋綿花  
五斤鈔二百貫隨伍指揮千百戶旗軍銀八兩絹  
二匹綿布四匹綿花五斤鈔五十貫次功領隊指  
揮賞銀十五兩絲帶四表裏鈔三百貫千戶衛鎮  
撫儀衛正副銀十三兩絲帶三表裏鈔二百五十  
貫百戶所鎮撫典伏銀十二兩絲帶二表裏鈔二  
百五十貫總旗銀七兩絹三匹綿布四匹綿花五  
斤鈔二百貫小旗銀五兩絹二匹綿布四匹綿花  
五斤鈔百五十貫隊伍指揮千百戶旗軍銀四兩  
絹二匹綿布四匹綿花五斤鈔百貫

上于宮中得建文時群臣所上封事千餘通披覽一  
二有于犯者命翰林侍讀解縉等徧閱關係軍馬  
錢糧數目則留錄于犯者悉焚之既而從容問縉  
等曰爾等宜皆有之衆稽首未對脩撰李貫進曰  
臣實無之

上曰爾以獨無為賢耶食其祿則思任其事當國家  
危急之際在近侍獨無一言可乎朕非惡夫盡心  
於建文者但惡導誘建文壞  
祖法亂政經耳爾等前日事彼則忠于彼今日事朕  
當忠于朕不必曲自遮蔽也

丁卯

賜都指揮使蔡本鈔百錠并賜其下有差蓋禽殺武進等縣強賊馬阿保等本等預有勞云

戊辰

夜月犯天囷有星如雞子大赤色尾跡有光出五車南行有參宿左肩火星犯太微西星垣上将星  
己巳

上謂兵部左侍郎劉儁等曰乃者隨朕靖難及守城官軍逃叛藏匿已獲者悉伏法矣未獲者令隨處自首赴京立功贖罪其榜示之  
調都指揮僉事

凌雲為遼東都司都指揮僉事起福建行都司致仕都指揮同知郭青為福建都指揮同知  
遼東都司言緣邊胡寇竊發不時騎<sup>士</sup>乏馬操備遼東行太僕寺舊所易朝鮮馬二千六百餘匹請以給軍士從之

庚午

勅寧夏總兵官左都督何福曰欽天監言火星犯上将爾為將禦邊宜慎毋忽

命右軍都督陳暉旗手衛指揮李忠往江西叅贊都督韓觀軍事  
改河南按察司僉事張成之為湖



廣按察司僉事

賜鎮守陝西都督王英鈔二百錠 夜月犯畢宿南

第二星

辛未

封周王橐第二女為蘭陽郡主 擢徐茂先為中奉大夫宗人府儀賓 以郡主配之 茂先中山武寧王達之孫 勳衛添福之子也

壬申

命昭德王濟熿居平陽 伐王桂及其世子遜 熿辭 歸賜鈔七千錠 其從官賜鈔有差

命禮部鑄靖江王金寶制如郡王之印 禮部言舊制郡王用銀鍍金 其上印亦用銀

上以

太祖高皇帝嘗與靖江王金冊 故授王亦以金寶

癸酉

夜有星如雞子 大青白色 有光出東南 雲中東南行至近濁

甲戌

祭太歲 風雲雷雨嶽鎮海瀆山川等神 遣官祭 旗纛 皇第二子高煦 還北平 賜鈔萬錠 其從官

指揮王麒等人賜鈔五錠  
掖門  
夜火星入太微垣右

乙亥

賜齊王搏鈔一萬錠  
調都督指揮僉事李凱于山東都司  
夜有星如盞大赤色有光出西北雲中  
東北行至近濁

丙子

命指揮施文守泗州整肅兵備撫綏人民  
陞前燕府長史金忠為工部右侍郎戶部郎中陳宗問為河南布政司右叅政兵部員外郎崔士先為右叅

議戶部郎中鄧肅為江西布政司右叅政吏部郎中劉思忠為浙江布政司右叅政禮部郎中郝鵬為湖廣布政司左叅政刑部主事周淵銘為四川布政司左叅議各賜鈔三十錠  
初用曹國公李景隆兵部尚書茹瑞言命吏部定靖江王府官制至是吏部言

祖訓內親王府例設文職官三十一員教授無定員郡王府未有定制今擬<sup>靖</sup>江王府長史依親王府例設置其餘官屬止設置善伴讀審理典寶奉祠典樂典儀典膳良醫工正倉大使各一員引禮舍



人二員又

祖訓內凡郡王子授鎮國將軍孫授輔國將軍靖江王子比正支郡王宜弟減一等授輔國將軍其官屬止設伴讀

上命輔國將軍各設教授一員餘如所擬于是改靖江王府諮議所為長史司工部右侍郎黃福言舊制應天太平鎮江寧國廣德五府州例免稅糧但每歲農隙召其丁夫役京師一月今當如例徵赴京

上曰五府州興王之地

先帝時時加優卹近年兵興煩于供給今方遂寧息未宜勞之可蠲今年之役

丁丑

以即位遣使齎詔諭和林瓦剌等處諸部酋長戶部奏今直隸淮安及北平永平河間諸郡避兵流移復業者凡七萬一千三百餘戶詔所司善加撫綏

戊寅

陞水軍右衛指揮僉事宣信為前軍都督僉事福建行都司都指揮僉事郭忠為本司都指揮同知

羽林前衛千戶邢忠為本衛指揮同知金吾左衛千戶劉貴為金吾前衛指揮僉事  
己卯

以廣西柳州等處蠻民嘯聚劫掠遣禮部員外郎李宗輔等齎勅往赦其罪諭令復業如執迷不悛調兵勦除 夜有三星如雞子大其一青白色有光出外屏西南行入壘壁陣其一赤色有光出外屏東南行至近濁其一赤色尾跡有光出紫微西蕃外北行至近濁

大明太宗文皇帝實錄

大明太宗文皇帝實錄

洪武三十五年九月辛巳朔肅王模來朝

命戶部郎中李祖撫安北平郡縣 夜有星如雞子

大青白色有光出土司空旁西南行至雲中火星犯右執法

壬午

蜀王椿來朝 秦王尚丙至

癸未

晉王濟熈辭歸賜鈔五千錠其從官賜鈔有差賜中將校指揮岳東驢車輿等九百六十有一人鈔



各六十錠絲帶表裏各三千百戶朱旺李平等萬  
五千四百十有九人鈔亦各六十錠絲帶表裏各  
二駙馬都尉王寧奏舊有賜田及百置田建文  
中盡沒官乞復之

上從之仍命戶部以其所入租准祿米 湖廣布政

司左叅政郭璉右叅政王麟按察司副使文良輔  
僉事陳晟蔣賓興鄔修張敏俱以罪降為行人

夜金星入氐宿

甲申

封秦愍王第四子尚炳為興平王第五子尚烜為

永壽王第六子尚炳為安定王改封靖恭王第三  
子昭德王濟橫為平陽王封恭王第七子濟高為  
廣昌王

陞賞奉天靖難諸將封都督僉事丘福為奉天靖

難推誠宣力武臣特進榮祿大夫右柱國中軍都

督府左都督淇國公食祿二千五百石子孫世世

承襲賞銀四百兩絲帶四十表裏鈔四千貫都督

僉事朱能為奉天靖難推誠宣力武臣特進榮祿大

夫右柱國左軍都督府左都督成國公食祿二千

二百石子孫世世承襲賞銀四百兩絲帶四十表

裏鈔四千貫都督僉事張武為奉天靖難推誠宣  
力武臣特進崇祿大夫柱國中軍都督府都督同  
知成陽侯食祿一千五百石子孫世世承襲賞銀  
三百五十兩綵幣三十表裏鈔三千貫都督僉事  
陳圭為奉天靖難推誠宣力武臣特進崇祿大夫  
柱國後軍都督府都督同知秦寧侯食祿一千二  
百石子孫世世承襲賞銀二百五十兩綵幣三十  
表裏鈔三千貫都督僉事鄭亨為奉天靖難推誠  
宣力武臣特進崇祿大夫柱國中軍都督府左都  
督武安侯食祿千五百石子孫世世承襲賞銀三

百五十兩綵幣三十表裏鈔三千貫都督僉事孟  
善為奉天靖難推誠宣力武臣特進崇祿大夫柱  
國右軍都督府都督同知保定侯食祿千二百石  
子孫世世承襲賞銀三百五十兩綵幣三十表裏  
鈔三千貫都督僉事火真為奉天靖難推誠宣力  
武臣特進崇祿大夫柱國中軍都督府都督僉事  
同安侯食祿千五百石子孫世世承襲賞銀三百  
五十兩綵幣三十表裏鈔三千貫右都督顧成為  
奉天靖難推誠宣力武臣特進崇祿大夫柱國後  
軍都督府鎮遠侯食祿千五百石子孫世世承襲



賞銀三百五十兩綵幣三十表裏鈔三千貫都督  
僉事王宗為奉天靖難推誠宣力武臣特進榮祿  
大夫柱國右軍都督府都督同知靖安侯食祿千  
石子孫世世承襲賞銀三百五十兩綵幣三十表  
裏鈔三千貫都指揮使王聰為奉天靖難推誠宣  
力武臣特進榮祿大夫柱國中軍都督府都督僉  
事武城侯食祿千五百石子孫世世承襲賞銀三  
百五十兩綵幣三十表裏鈔三千錠都督僉事徐  
忠為奉天靖難推誠宣力武臣特進榮祿大夫柱  
國前軍都督府左都督永康侯食祿一千一百石

子孫世世承襲賞銀三百五十兩綵幣三十表裏  
鈔三千貫都督僉事張信為奉天靖難推誠宣力  
武臣特進榮祿大夫柱國隆侯食祿一千石子孫  
世襲隆平伯賞銀三百五十兩綵幣三十表裏鈔  
三千貫都督僉事李遠為奉天靖難推誠宣力武  
臣特進榮祿大夫柱國中軍都督府都督同知安  
平侯食祿一千石子孫世襲安平伯賞銀三百五  
十兩綵幣三十表裏鈔三百貫都督僉事郭亮為  
奉天靖難推誠宣力武臣特進榮祿大夫柱國左  
軍都督府都督同知成安侯食祿千二百石子孫

世襲成安伯賞銀三百五十兩綵幣三十表裏鈔  
三千貫都督僉事房寬為思恩侯食祿八百石子  
孫世襲指揮使賞銀三百兩綵幣二十表裏鈔二  
千五百貫都指揮使徐祥為奉天翊衛宣力武臣  
特進榮祿大夫柱國興安伯食祿千石子孫世世  
承襲賞銀三百兩綵幣二十表裏鈔二千五百貫  
都督僉事徐理為奉天翊衛宣力武臣特進榮祿  
大夫柱國五康伯食祿一千石子孫世世承襲賞  
銀三百兩綵幣二十表裏鈔二千五百貫都指揮  
同知李濬為奉天翊衛宣力武臣特進榮祿大夫

柱國襄城伯食祿一千石子孫世世承襲賞銀三  
百五十兩綵幣二十表裏鈔二千五百貫都指揮  
同知張輔為奉天翊衛宣力武臣特進榮祿大夫  
柱國信安伯食祿一千石子孫世世承襲賞銀三  
百五十兩綵幣三十表裏鈔三千貫都督僉事唐  
雲為奉天翊衛宣力武臣特進榮祿大夫柱國新  
昌伯食祿一千石子孫世世承襲賞銀三百兩  
綵幣二十表裏鈔二千五百貫故都指揮同知譚  
淵男譚忠為特進榮祿大夫柱國新寧伯食祿一  
千石子孫世世承襲賞銀三百五十兩綵幣三十



表裏鈔三千貫都指揮僉事孫巖為奉天翔衛宣  
力武臣特進榮祿大夫柱國應城伯食祿一千石  
子孫世世承襲賞銀三百五十兩綵幣三十表裏  
鈔三千貫都指揮僉事房勝為奉天翔衛宣力武  
臣特進榮祿大夫柱國富昌伯食祿一千石子孫  
世世承襲指揮使賞銀三百五十兩綵幣三十表  
裏鈔三千貫都指揮使趙彝為奉天翔衛宣力武  
臣特進榮祿大夫柱國忻城伯食祿一千石子孫  
世世承襲賞銀三百兩綵幣二十表裏鈔二千五  
百貫都督僉事陳旭為奉天翔衛宣力武臣特進

榮祿大夫柱國雲陽伯食祿一千石子孫世世承  
襲賞銀三百兩綵幣二十表裏鈔二千五百貫都  
督僉事劉才為奉天翔衛宣力武臣特進榮祿大  
夫柱國廣恩伯食祿九百石子孫世襲指揮同知  
賞銀二百五十兩綵幣十六表裏鈔二千貫以曹  
國公李景隆尚書茹瑄都督同知王佐都督僉事  
陳瑄有默相事机之功加封景隆為奉天輔運推  
誠宣力武臣特進光祿大夫左柱國太子太師曹  
國公增祿一千石通前四千石子孫世世承襲賞  
銀四百兩綵幣四十表裏鈔四千貫瑄為奉天翔



運守正文臣特進榮祿大夫柱國太子少保兼兵部尚書忠誠伯食祿一千石以終本身賞銀三百兩絳幣二十表裏鈔二千五百貫佐為奉天翔運宣力武臣特進榮祿大夫柱國中軍都督府都督同知順昌伯食祿一千石子孫世襲指揮使賞銀三百兩絳幣二十表裏鈔二千五百貫瑄為奉天翔運宣力武臣特進榮祿大夫柱國右軍都督府都督僉事平江伯食祿一千石子孫世襲指揮使賞銀三百兩絳幣二十表裏鈔二千五百貫以谷王護衛指揮僉事張興儀衛正張成等受王成美

佐成大功興陞為驍騎將軍都督僉事賞銀二百五十兩絳幣十六表裏鈔二千貫成為驃騎將軍都指揮使賞銀二百兩絳幣十二表裏鈔一千五百貫其餘將士人等論功高下一體陞賞又以駙馬都督王寧不附權勢以罹誣陷幾致隕身宜用褒顯封奉天輔運推誠效義武臣特進光祿大夫柱國駙馬都尉永春侯食祿一千石子孫世承襲賞銀三百五十兩絳幣三十表裏鈔三千貫各賜冠服給誥券陞賞畢

上諭之曰人君秉公正行爵賞無容私意今以天下

之財賞天下之功雖賜賚有限而爵祿無窮然繼  
今能益懋公勤朕不吝於報賚爾等勉之又曰爾  
等前勞朕或知有未盡論報之際輕重失宜其即  
面陳必使歸于至當若不自陳而退有後言或至  
怨懟甚不可也又曰今天下已定君臣相與共保  
富貴朕不可居安忘危爾等亦不可恃功驕惰常  
念前勞圖保名節斯福澤延于子孫功名播于永  
遠矣 追封故都督同知張玉為奉天靖難推誠  
宣力武臣特進榮祿大夫右柱國崇國公謚忠顯  
玉字世美河南開封祥符人仕為樞密院事知院

洪武乙丑歸附戊辰從征捕魚兒海哈刺哈之地  
以功授濟南衛副千戶又從追勦韃軍粉紅帖木  
兒抵延安延川陞安慶衛指揮僉事同官以嚴見  
憚庚午從征永順散茅等洞辛未從征迤北抵鴉  
寒山歸調燕山左護衛癸酉復從征迤北至黑松  
林戊寅七月

上舉兵靖難王所進計議悉合

上意遂領兵攻奪九門撫順討逆五日始定王言今  
都指揮馬宣守薊州宜早圖之不然將為後患且  
薊為東鄙之望薊平餘可傳檄而定



上從之即命王與朱能等率兵以往既至都指揮馬  
宣鎮撫曾濬等閉城堅守反復喻之不下王擁衆  
急攻宣率兵出拒王遣精銳衝入其陣執而殺之  
并殺濬復執毛指揮王知其可用釋之不殺送精  
北平而撫輯其軍民乃引兵徇遵化遵化守將以  
城降復往永平密雲至則軍民望風輸款己卯陞  
都指揮同知掌中營兵王進言曰雄鄭在邇今守  
者潘揚二都督挾恃詐力不下請攻之

上是其計遂生禽二人時長興侯耿炳文率兵二十  
萬至真定王請往覘之遙見其軍士散漫無統紀

且有敗氣馳報曰彼無能為力贊

上往攻俘斬無數餘皆奔潰繼安陸侯吳傑引兵來  
戰王率衆大敗之追奔四十餘里斬獲甚衆永平  
被圍引兵從

上救之敵見軍容整肅遽解去從攻大寧破之既歸  
中道聞李景隆率衆攻壩上而以精銳圍北平城  
王請先攻其營然後歸援

上從之徑擣其營大戰景隆兵不能支遂退即率衆  
至城下城中亦出兵內外夾攻斬截殆盡遂移軍  
收廣昌下蔚州進取大同斬其首將而還聞景隆



收潰卒益以新軍號百萬連營而來玉言兵貴神  
速先事者勝駐白溝河以逸待勞必能決勝  
上然其言率衆至白溝河越三日景隆兵至玉率精  
騎馳擊之斬馘無算景隆收餘衆退玉乘勝追擊  
所向披靡歸數月從  
上攻滄州破之生禽其大將徐凱進攻東昌玉勇往  
赴戰遂歿年五十有八  
上聞慟悼之至是論諸將功賞而思命首被云追封  
故後軍都督僉事陳亨奉天靖難推誠宣力武臣  
特進榮祿大夫柱國涇國公謚襄敏故都督指揮

使譚淵奉天靖難推誠宣力武臣特進榮祿大夫  
柱國崇安侯謚壯節亨鳳陽壽州人勇敢善騎射  
從

太祖高皇帝渡江討張士誠平陳友諒從大軍定中  
原累積軍功自天策衛百戶累陞燕山左衛世襲  
指揮同知又從賴國公征北二十五年命署北平  
行都司事陞後軍都督僉事仍掌北平行都司從  
上平內難鏖戰霸上乘勝而南至白溝與敵戰奮擊  
衝陣獲無算以疾卒淵除州清流人有督力引兩  
石弓發無不中洪武中以軍功任燕山右護

衛副千戶從

上靖內難戮力盡心戰真定及壩上馳騎突陣多所  
斬獲至夾河與敵搏戰所乘馬蹶遂死之至是亦  
先追封馬陞吏部左侍郎蹇義本部尚書改右侍  
郎陞戶部左侍郎夏原吉本部尚書改右侍郎古  
朴左侍郎劉儁本部尚書改右侍郎方賓左侍郎  
禮部右侍郎宋禮本部左侍郎工部右侍郎黃福  
本部左侍郎陞大理寺左少卿薛嵩本寺卿左寺  
丞袁復右少卿行人李文郁為通政司左叅議  
陝西按察司僉事林嘉猷坐方孝孺之黨誅

丁亥

遣使以即位詔諭安南暹羅爪哇琉球日本西洋  
蘇門答刺占城諸國

上諭禮部臣曰

太祖高皇帝時諸番國遣使來朝一皆遇之以誠其  
以土物來市場者悉聽其便或有不知避忌而誤  
干憲條皆寬宥之以懷遠人今四海一家正當廣  
示無外諸國有輸誠來貢者聽爾其諭之使明知  
朕意

戊子



陞都指揮使劉江為中軍都督僉事朱榮為左軍  
都督僉事馬榮紀清俱為右軍都督僉事都指揮  
同知朱崇為後軍都督同知何濬薛脫歡許成俱  
為左軍都督僉事高成為右軍都督僉事譚深為  
前軍都督僉事吳庸為山東都指揮使薛脫火赤  
為遼東都指揮使陳勝為陝西都指揮使買驢為  
廣西都指揮使王真為四川都指揮使沈遇為江  
西都指揮使沈濱為福建都指揮使馬聚為北平  
都指揮使童信為北平行都司都指揮使都指揮  
僉事陳懋為中軍右都督曹得山清俱為中軍都

<sup>督</sup>僉事張欽為右軍都督僉事審士文劉保華聚俱  
為前軍都督僉事譚青玉瑞俱為後軍都督僉事  
馬瑛為浙江都指揮使金玉為河南都指揮使朱  
英為四川行都司都指揮使陳旺為貴州都指揮  
使曹隆為雲南都指揮使王哈刺把都為湖廣都  
指揮使徐忝為福建都指揮使徐善為陝西行都  
司都指揮使馬旺為山西都指揮使歐陽青為山  
西行都司都指揮使杜真施文林祥俱為浙江都  
指揮同知劉聚印原同蔡福毛八丹俱為山東都  
指揮同知麻子帖木呂毅馬羽齊安呂得俱為遼

東都指揮同知呂得昇蕭授滕安陳賢高勉俱為  
河南都指揮同知吳玉蔣忠趙忠俱為陝西都指  
揮同知蔡斌陳寬錢安俱為陝西行都司都督指  
揮同知王友柳升丑丑俱為都指揮同知掌中都  
留守司事劉秉謙孫蕭吳福俱為四川都指揮同  
知于金玉王玉貴吳英俱為四川行都司都指揮  
同知李仕陳全吳浩俱為貴州都指揮同知王綽  
方敬王正劉鑑俱為雲南都指揮同知錢義胡原  
王成俱為廣西都指揮同知金銘胡俊周長俱為  
湖廣都指揮同知郭贊張麟李文俱為江西都指  
揮同知陳翼王傑艾忠俱為福建都指揮同知魯  
麟鄭銘靳榮俱為福建行都司都指揮同知王忠  
申英邗那海夏曲倫台俱為北平都指揮同知董  
礎駱七十八史勇俱為北平行都司都指揮同知  
姜清張璲俱為遼東都指揮同知曹英張禮張成  
俱為山西都指揮同知江誥馮三保侯忠俱為山  
西行都司都指揮同知

上顧群臣諭曰諸將從朕舉義多歷艱危今內難肅  
清論功行賞富貴方自此始夫國家于功臣固當  
保全而帝王用人豈可獨遺勲舊漢賈復吳漢才



堪輔相光武徒欲保全之而弗用朕所不取君臣不能保全者常始于不相信苟不相信雖父子將為秦越况君臣乎吾報之厚而待之誠常見其善不見其不善惟其才而任之保功用人可以兩得群臣頓首稱善

命五軍都督府移文各都司令衛所屯田身備制衛指揮一人所千戶一人專提調都指揮督察之歲終上其所入之數以課勤怠都督同知韓觀奏江西廬陵縣民逃聚山林者聞命悉復業賜勅獎諭觀曰人君代天子民為體上天好生之心安養斯

民使各得其所而已數年以來民苦于兵加之賦歛煩苛窮迫無告間者江西廬陵縣民有不得已畏死逃聚山林者有司不原其本心輒請兵勦捕朕心有所不忍故遣行人齎勅諭令復業猶慮民之不知朕心也又遣卿以大臣諭之民間卿以朕命至皆權然來歸不勞寸兵而危者以安擾者以喜以是觀之民豈樂于為非者哉卿斯行于國于民咸有所利朕甚嘉之今特遣人以羊酒綵幣勞卿至可領也勞谷王穗請營宮殿于長沙府上以天下初定慮勞民費財令擇衛府廨舍修理居

之使臣有還自東南夷者言諸番夷多遁居海島中國軍民無賴者潛與相結為寇

上遣使齎勅諭之勅曰好善惡不善人之同情有不得已而為不善者亦非本心往者爾等或避罪譴或苦飢困流落諸番與之雜處遂同為劫掠苟圖活<sup>生</sup>巡海官軍既不能矜情招撫更加侵害爾等雖有悔悟之心無由自遂朕甚憫焉今特遣人齎勅往諭九番國之人即各還本土欲來朝者當加賜賚遣還中國之人逃匿在彼者咸赦前過俾復本業永為良民若仍其險<sup>特</sup>遠執迷不悛則命將發兵

悉行勦戮悔將無及 戶部言天下倉糧宜撙節以備國用各處都司官俸舊全支米者宜米鈔中半兼支河南浙江江西山東山西五布政司按察司及王府官舊全支米者亦如之湖廣福建廣東廣西陝西北平四川雲南八布政司按察司官俸米鈔兼支及各府州縣諸司俸全支鈔者仍令如故從之



大明太宗文皇帝實錄

大明太宗文皇帝實錄

洪武三十五年九月己丑

慶王梅來朝

勅遼王植曰

皇考太祖高皇帝封建諸王藩屏

宗社傳序萬年與國同久建文中信任奸回以殘骨

肉朕於其時迫于危禍不得已而起兵願

天地

祖宗之靈克平內難建文之隕自絕于天朕為諸王  
民臣權戴以君主天下方欲與諸弟聚處同天倫

之樂而賢弟以遼地荒遠經涉海洋餽運為難固  
請改國荊州且以廣寧重鎮就留三護衛于彼以  
益邊防欲于荊州別給一衛備使令言之再三卻  
而復至謙約之誠溢於言表去衆就寡厭遠懷邇  
手足之情何忍違抑今勉從所請建國荊州而仍  
舊封號軍衛已令兵部改撥用稱吾弟之意特報  
知之改太平府試推官袁綱薊州府試推官徐  
道正前鎮平民軍指揮司試經歷馮本清前開封  
軍民指揮司試經歷陳常俱為監察御史陞典牧  
署正陳善為尚寶司丞前北平按察司經歷沈謚

為本司僉事謚建文中坐累被謫至是召還而陞  
用之

庚寅

皇第三子高燧來朝秦王尚炳辭歸賜鈔二萬錠  
其從官賜鈔有差周世子有燬自雲南來朝賜  
鈔二萬錠召廣澤王允燧懷恩王允燧

辛卯

賜在京官員軍民鈔幣先是  
上以新即位在京文武群臣軍民人等宜有賜賚命  
禮部議之禮部議奏武職自侯至都督各鈔二百



錠絲幣五表裏指揮鈔八十錠二表裏千戶衛鎮撫各鈔五十錠一表裏百戶所鎮撫各鈔三十錠一表裏旗軍校尉將軍力士屯軍恩軍養羊習匠幼軍人五錠致仕優給並同見任文職二品鈔百錠絲幣三表裏三品四品鈔八十錠二表裏五品鈔五十錠六品七品鈔三十錠八品九品鈔二十錠俱一表裏雜職鈔二十錠監生吏典知印辦事人材天文生醫者府學生員人鈔四錠坊廂民匠僧道醫人樂工厨子膳夫皂隸人鈔三錠從之

謫工部右侍郎張顯宗等戍興州顯中建文中

自國子監祭酒陞工部右侍郎往江西招集丁壯募民出粟

上既即位顯宗及江西布政使楊璉按察使房安僉事呂升並為軍卒執告其罪

上釋不追謫戍興州夜月犯壘壁陣東五星

壬辰

陞府軍衛指揮僉事詹中為本衛指揮同知

賜鎮遠侯顧成鈔六百錠

制誥之寶成賜中書舍人劉彥銘鈔三十錠胡椒四

斤陝西行都司奏回回可古思於寧夏市馬請

官市之以資邊用

上從之命有司償其直上馬每匹給絹四匹布六疋  
中馬絹三匹布五匹下馬絹二匹布四匹駒絹一  
匹布三匹軍民私市者禁之工部尚書嚴震直  
卒震直湖州烏程縣人洪武庚午以賢良舉初授  
布政司左叅議之職受事于戶部尋實授戶部郎  
中壬申陞工部試右侍郎明年陞本部尚書坐事  
降監察御史尋陞都察院右都御史丁丑復坐事  
降御史未幾復為工部尚書震直資貌魁偉而寡  
學無識善附權要

上頗薄之  
甲午  
癸巳

癸巳

用汀州衛指揮僉事李政為貴州都指揮僉事旌

賜翰林侍讀解縉等七員金織羅衣各一襲

甲午

陞揚州衛指揮僉事李政為貴州都指揮僉事旌  
其以全城歸附也

上謂刑部都察院臣曰前勅法司令囚人入米贖罪  
以省轉輸之勞近聞有貧不能致米者徃徃憂感  
死期欲生之乃速之死非朕本意自今凡人命十



惡死罪強盜傷人者依律處決其餘死罪及流罪  
令挈家赴北平種田流罪三年死罪五年後錄為  
良民其徒罪令煎鹽杖罪輸役如故自願納米贖  
罪者聽仍選徒罪以下罷黜官假以職名俾督民  
耕種三年有成績實授無成仍坐原罪 定功臣  
死罪減祿例免三死者初犯減其祿二十之七再  
犯減其十之七三犯盡奪免二死者初犯減祿十  
之五再犯盡奪免一死者一犯盡奪 定武官軍  
士贖罪例九武官犯死罪情輕者奪俸三年流罪  
二年徒罪一年杖罪當罷職者奪俸六月當降等

者三月軍士及其戶丁雜犯死罪發北平衛所屯

乙未

命戶部申明木鐸教民之令召京民耆老諭之曰我

太祖高皇帝開創洪業做古為治三十餘年海宇寧

謐民咸樂生尚慮教化未洽游食者眾自京師至

於天下郡縣皆嘗置木鐸及見丁着業牌令民每

日傳述以知警勵勤於生理毋犯憲章良法美意

可傳萬世建文中信用小人更改舊制京民被其

虐害遁逃相繼數年之間風俗靡然朕今嗣承天

統嘉輿萬姓同樂太平爾等其謹遵成憲安分守  
法永為良民毋作不靖以干國典苟或違之將自  
罹殃咎不可追矣仍命戶部行天下咸遵守之  
遣使齎詔撫諭兀良哈大小頭目  
命右軍都督同知韓觀佩征南張軍印充總兵官往  
廣西整飭兵備鎮守城池而節制廣西廣東二都  
司賜勅諭觀曰廣西蠻民易叛難服殺之愈多而  
愈不治

太祖高皇帝灼見其情故以德撫之至必不得已而  
後用兵所以蠻民悅服邊境晏然今朕嗣位謹遵

成憲卿往鎮之宜務德為本毋專務殺戮庶副朕  
法

祖柔遠之意賜觀鈔四十錠 追贈前燕山右護衛  
百戶王真奉天靖難推誠宣力武臣特進榮祿大  
夫柱國金鄉侯謚忠壯真咸寧灞橋人少負智勇  
隸兵籍洪武中以功授燕山右護衛百戶  
上舉兵靖難首協義謀率師下廣昌狗鴈門賈勇衝  
敵常以一當百

上嘗勵諸將曰奮武如王真何功不成又攻取滄州  
破之追其餘衆至滑口俘獲七千人肥河之戰真



率壯士突陣而前斬馘無算而後隊不繼敵圍之  
數匝身被數十鎗真氣愈奮斬敵數十人敵益兵  
圍之真知不免顧左右曰吾義不死敵手馬上自  
刃而斃敵壯之曰真將軍也訃聞

上傷悼之至是加追贈馬真沉毅有智略事

上于藩邸勤慎小心及從舉義出戰未嘗失利臨戰  
應敵能出奇制勝

上嘗語侍臣曰王真不死其功當冠諸將云

命戶部遣官覈實山西太原平陽二府澤潞遼沁汾  
五州丁多田少及無田之家分其丁口以實壯平

各府州縣仍戶給鈔使置牛具種子五年後徵其  
稅一賞從征衛駕將士總督都指揮銀二百五十  
兩綵幣十六表裏鈔四百錠散都指揮銀二百兩  
綵幣十二表裏鈔三百錠奇功領隊指揮銀百兩  
綵幣十表裏鈔二百錠千戶衛鎮撫儀衛正副各  
銀六十兩綵幣八表裏鈔百八十錠百戶所鎮撫  
典仗各銀五十兩綵幣六表裏鈔百六十錠隨伍  
官軍各銀四十五兩綵幣四表裏鈔百四十錠絹  
四匹綿布五匹綿花五斤頭功領隊指揮銀六十  
兩綵幣八表裏鈔百八十錠千戶衛鎮撫儀衛正

副各銀五十兩綵幣六表裏鈔百六十錠百戶所  
鎮撫典史各銀四十兩綵幣四表裏鈔百四十錠  
隨武官軍各銀三十兩綵幣二表裏鈔百錠絹三  
匹綿布三匹綿花五斤次功領隊指揮銀五十兩  
綵幣六表裏鈔百六十錠千戶衛鎮撫儀衛正副  
各銀四十兩綵幣四表裏鈔百四十錠百戶所鎮  
撫典史各銀三十五兩綵幣三表裏鈔百二十錠  
隨伍官軍各銀二十五兩綵幣一表裏鈔八十錠  
絹二匹綿布二匹綿花五斤 夜月犯天園星曉  
刻火星出左掖門外

丙申

脩荊州前護衛為遼王府

肅王換辭歸賜鈔二萬錠其從官賜鈔有差 以

杭州府知府虞謙為大理寺左少卿 夜金星八

房宿

丁酉

蜀王椿辭歸賜勅諭曰賢弟天性仁孝聰明博學  
聲聞昭著軍民懷服然蜀地險要夷獠雜居莫安  
撫綏付託甚重凡百自愛以副兄懷賜椿鈔二萬  
錠其從官賜鈔有差 夜有星如雞子大青白色



尾跡有光出正北雲中西北行至近濁

戊戌

西域回回者魯刺丁等使哈刺火州還貢硃砂等

物賜鈔有差車里軍民宣慰使司宣慰使力暹

荅及老撾土官刀綿反八百土官刀板面孟定府

土官刀名扛威遠州土官刀算黨各遣人來朝貢

象齒犀角孔雀尾西洋布紅花絲幔帳及金銀器

賜刀暹荅等綿綺紗羅有差其來使俱賜鈔幣

陞工部左侍郎黃福為本部尚書是日工部左侍

郎張思恭自建文中出使于外歸復職夜有二

星如雞子大俱青白色有光其一出關丘東北行

一至雲中其一出軫宿東北行至游氣

己亥

命都指揮僉事俞讓任貴州都司

賜國子監雲南生趙祥等四十人冬衣夜有星如

雞子大青白色有尾光燭地出文昌西北行至近

濁

庚子

慶王榘辭歸賜鈔二萬錠其從官賜鈔有差後

河南布政司左叅政蔡淵官建文中坐累謫戍廣

西至是赴京自陳命還其職 陞左軍都督僉事  
劉貞為本府左都督 以故前軍都督僉事張春  
子林為指揮僉事賜優給初春生罪棄市

上念初父文秀戰功故有是命 以雲南中護衛指  
揮僉事宗麟子四聖保為指揮僉事命錦衣衛優  
給初麟生誣死其子沒為官奴至是

上特優之

辛丑

上以賞賚臣民恩有未洽命禮部再議禮部議奏致  
仕官在京者照品職賞之 餘軍官在京與見任

同其已沒而子孫在京應襲者准在京優給例各  
處軍職其子孫在兵部聽襲者候回衛給賞旗軍  
病死及戰沒而有幼子者並准紀錄之例河南三  
護衛官軍在京候王之國者准在京例歷事監生  
及三考吏聽選吏部者准監生及在京吏典例孤  
老准京民例各王府文武官旗軍醫士厨子匠人  
等隨時來者悉准在京例軍官母女支優給者賞  
鈔十錠看守廟宇紫場老軍准養馬廝卒軍伴例  
皂隸神樂觀國子監膳夫山川祠祭署田夫俱准  
京民例在京辦事官吏承差知印准辦事人材例



樂舞生與天文生同從之造鳳陽浮橋舡三十

八艘

壬寅

遣中官陳福童賜左軍都督僉事徐凱鈔二千錠

癸卯

陞北平都指揮僉事周廣為都指揮同知鎮江衛  
指揮僉事童俊為福建都指揮使柳州衛指揮僉  
事廖春為廣西都指揮同知安吉衛指揮僉事徐  
勳為河南都指揮僉事金吾左衛指揮使薛山為  
浙江都指揮同知會州衛指揮使侯鏞為山西都

指揮僉事羽林前衛指揮同知楊旺為大寧都指  
揮僉事金吾右衛指揮僉事魏剛為都指揮僉事  
掌中都留守司事金吾後衛千戶胡勝為府軍衛  
指揮僉事播州宣慰使楊昇思南宣慰使田大  
雅貴州宣慰使宋斌來朝貢水銀硃砂等物賜昇  
等白金錦綺綵帛賜其僮從有差戶部尚書夏  
原吉言北京諸郡百姓男女前因避兵遼東山海  
及山東境內有過官軍拘擄亦有以財聘買為妻  
妾子息者今悉詔書送赴京轉發原籍往往來告  
原籍兵後家產蕩盡親戚不存無可依恃而今所

託者歲久皆成家矣願仍留彼不歸且臣之意若  
即遣回原籍今天氣向寒道路艱難恐至失所請  
令暫居京師俟行勘原籍有親則遣歸果無則宜  
從所言亦人情兩便

上曰民罹兵革至轉徙流離皆非不得已况被擄乎人  
情孰不懷土是必擄買之家教誘為此言不可盡  
信姑留在京給與口糧待春暖遣歸如果用財禮  
聘娶亦須行勘有實然後給之

甲辰

命左府都督僉事徐凱仍任左府事

乙巳

建金錄大醮七晝夜於朝天宮

建福

皇考

皇妣

賜遼王植鈔二萬錠

命武康伯徐理等往北平度地以處民之以罪徙者  
命都督陳用孫岳陳賢移山西行都司所屬諸衛官  
軍於北平之地設衛移屯種雲川衛於雄縣玉林  
衛於定州高山衛於保定府東勝左衛於永平府  
東勝右衛於遵化縣鎮朔衛於薊州鎮虜衛於涿



州定邊衛於通州其通州陽和宣府前三衛仍復  
原處大理寺少卿虞謙自陳建文時臣為杭州  
知府嘗建言天下僧道每人止令畜田五畝無田  
者官給之餘有常往田悉歸官以給無田之民僧  
道悉免其賦役當時從臣所言之臣當坐改舊  
制之罪

上笑曰此秀才闢老佛也已在赦前命以奏牘付科  
復之初有旨凡在建文中上年改舊制者悉令面  
陳至是視謙有戰懼之色遂命自今不須面陳悉  
以奏牘送科復之四川播州宣慰使司請設僧

綱道紀二司從之

丙午

陞宣府中護衛指揮僉事劉清為都指揮同知仍  
令隨侍旌其開金川門奉迎功也改大同中護  
衛為定州衛夜有星如盞大青白色光燭地出  
正北雲中北行至近濁有二小星隨之

戊申

命齊王樽復國青州賜以樂人綵幣及鈔秦愍王  
次子尚烈來朝

命順昌伯王佐往雲南副西平侯沐晟鎮守改山

東按察僉事朱夏為廣西按察僉事 賞谷王府  
官軍第一等比奇功第二等三等比頭功第四等  
比次功例不陞官者加價鈔十錠典膳仍本職食  
俸同正六品賞准次功百戶例舍人准次功總旗  
例凡五百八十七人賞銀鈔表裏有差

己酉 製

皇后金寶寶用盤龍紐

命鎮守揚州都指揮同知王禮任河南都司禮初為  
揚州衛指揮僉事率眾朝見陞都指揮同知鎮守  
揚州至是改命之

庚戌

夜有星大如雞子青白色光燭地出五諸侯東行  
至游氣復有星如盞大青白色有尾光燭地出外  
屏西行至羽林軍



大明太宗文皇帝實錄

太宗文皇帝卷之十五

洪武三十五年冬十月辛亥朔命工部給奉天征

討軍士衣鞋湖廣鎮遠州蠻夷長官司掌長官

何惠言本境路當雲南要衝每歲修治清浪焦溪

鎮遠三橋工費繁重所部臨諸溪洞民皆獐猫猫

猪力不勝役乞令軍民相然修治從之夜金星

犯天江南第二星有二星其一如雞子大青白色

光燭地出入穀東北行至上台其一如彈丸大青

白色有尾出天厨東北行丈餘發光如雞子大至

游氣中

壬子

用都督徐章之女為皇第三子高燧妃 寧王權  
來朝 賜谷王穗鈔十萬錠 陞吏科都給事中  
姚行為湖廣布政司右叅政戶科給事中羅義左  
叅議刑科都給事中周鼎湖廣按察司禮科都給  
事中黃永壽刑科右給事中吳讓俱副使刑科給  
事中商惠僉事工科都給事中李敬為江西布政  
司右叅議戶科都給事中梁成兵科都給事中傅  
壽俱江西按察副使賜鈔及文綺表裏有差  
空江西按察僉事周觀政本司按察使 陞神策

衛指揮同知王觀童驍騎右衛指揮僉事梁北斗  
奴俱為北平都指揮僉事指揮僉事戴彬劉徵俱  
為錦衣衛指揮同知 制周王構儀仗

癸丑

楚世子孟燒來朝 陞前湖廣布政司左叅議楊  
砥為鳴臚寺卿以其在建文中嘗上書請敦親恩  
罷兵息民也 擢浙江布政司試理問李繼先前  
滋州軍民指揮司試經歷陳升前威海軍民指揮  
司試經歷侯汝為俱為監察御史 陞羽林前衛  
指揮使劉信為河南都指揮使 命都指揮僉事



劉達掌~~州~~州衛事初達為滁州衛指揮僉事以歸  
附功陞今官至是仍命掌本衛事 金筑安撫司  
安撫得梁來朝賜絨錦二端文綺五表裏鈔百錠  
夜有二星如鷄子大其一赤色有光出天園東  
行至近濁其一青白色有尾光燭地出外屏西北  
行至霹靂

甲寅

上謂兵部尚書忠誠伯茹瑄兵部尚書劉儁曰昔  
太祖高皇帝嘗戒勅諸將校<sup>曰</sup>軍士家屬既衆而月  
糧有限衣食不足不免飢寒加以爾等無惻隱之

心侵漢私役困苦不勝徃徃逃亡缺伍故當時私  
役者每一日追工錢一貫仍論其罪朕今切慮內  
外將校不能撫卹軍士比昔有加所以逃亡者衆  
自今計其軍逃亡之數以論罰如百戶有逃一人  
者減其俸之半逃十人者全不給至三十人者降  
充總旗四十人者降充小旗五十人發充軍其千  
戶逃軍拾倍於百戶指揮逃軍五倍於千戶者並  
減俸及遞降一等皆如百戶之例 陞吏科左給  
事中黃崐為本科都給事中故右給事中朱紘左  
給事中以給事中郇旗為右給事陞戶科左給事

中徐奇本科都給事中黃給事中黃宗晦為左  
給事中萬忠右給事中陞禮科左給事中歐陽以  
恭本科都給事中以給事中何仕讓為左給事中  
熊文綬右給事中陞兵科左給事中鄭燧本科都  
給事中改右給事中舒孟名左給事中胡濬右給  
事中陞刑科左給事中周璟本科都給事中以給  
事中陞中善為左給事中朱元貞右給事中陞工  
科給事中趙毅本科都給事中陞廣武衛指揮  
僉事許亨為北平都指揮僉事亨北平都指揮僉  
事得之子以朝見于楊州特命任其父官仍命其

父以本官致仕復設應天府溧陽縣批驗鹽引  
所晚刻火星犯進賢星

乙卯

命羽林前衛指揮同知王三哈歸侍親彰德仍給  
以俸初三哈自彰德衛軍來歸數從征有功陞今  
官至是以母老不能就養乞還省親

上嘉其孝故有是命

丙辰

享

太廟畢遣官祭功臣于雞鳴山廟先是禮部侍郎宋



太禮言功臣自有廟請罷  
太廟配享但于本廟祭之

上曰

先帝所定配享不可罷又曰此皆佐命開國之臣既自有廟俟

太廟享畢亦別遣官即其廟祭之于義可也著為令  
宴寧王權谷王穗于華蓋殿 擢監生王宇陳禮  
朱肇何海陸禎王政劉燧姚綱阮容姚伯善俱為  
給事中大理寺左評事周新蔡英孫碩劉觀右評  
事楊廉鴻臚寺司賓署丞周敏序班劉英兵部

司務張進遠志盛文明行人李公敏亢成施安顧  
謙牛庸傅霜盛敬俱為監察御史 陞錦衣衛指  
揮僉事繆忠潘諤陳敬程遠李忠俱為本衛指揮  
同知 夜水星犯天江第二星

丁巳

吏部奏前北平所屬州縣官朱寧等二百一十九  
人

皇上舉兵靖難之際俱棄職遠避宜寘諸法命入粟  
贖罪畢發興州屯戍 宴奉天諸功臣畢

上諭之曰君臣為之元首股肱蓋一體相須也故為

君必務保全其臣然為臣亦當思自保凡人致富  
貴難保富貴尤難爾等從朕數年萬死一生今皆  
身有封爵祿及子孫可為難矣但當思保之夫有  
功則賞有罪則罰此

祖宗天下之大法爾等須遵守若不謹而犯之朕不  
敢曲宥蓋以私廢公則天下不服矣其務敬慎庶  
幾共安榮于永遠

戊午

勅禮部曰

太祖高皇帝臨御命所司歷考禮樂制度參酌古今

上自朝廷下及臣民冠昏喪祭之儀服舍器用之  
制皆有等差著為定式頒布中外行之久矣朕慮  
今有司因循苟且奉行勿謹致有非分違法干犯  
刑憲非朕所以愛民之道爾禮部尚書其以洪武  
中所定一切制度圖示中外俾人知遵守庶幾享  
太平之福

旌表處州府麗水縣民鄭季廉妻戴氏饒州府樂  
平縣民詹伯尹妻倪氏陳啟明妻江氏貞節三人  
俱以早寡守志不二有司上其事故有是命

命陝西河南山西山東鳳陽諸府州縣選力士三



千五百人。寧王權奏故妃張氏之歿，適際兵旅多事之際，迨今未葬。命工部給明器衣仗，令所在有司營葬事。重修

太祖高皇帝實錄勅太子太師曹國公李景隆太子少保兼兵部尚書忠誠伯茹瑯曰：昔

皇考太祖高皇帝順天應人開基啟運，自布衣提三尺劍，十數年削刈群雄，平一六合，功成治定制禮，作樂身致太平，垂四十年功德之盛，亘古莫論。比者建文所修賓錄遺逸既多，兼有失實，朕覽之誠有歎焉。今命儒臣重加纂修，務在詳備，庶幾

神功聖德，明昭日月，垂裕萬世。爾景隆用之懿戚，自少暨壯服事

皇考，廟謨睿畧，多所聞知。今特命爾監修瑯祇事

先帝，多歷年載，信任彌篤。當時

聖政亦所悉焉。其為之副尚端，乃心悉乃力用，著成一代之盛典，豈惟仰答

先朝寵遇之厚，亦以副予惓惓之孝誠歟。封周

王橚長女為儀，封郡主，擢右軍都督僉事馬溥子

春為中奉大夫宗人府儀賓，以郡主配之。真人

張宇初來朝，賜鈔六百錠，復湯中河南布政司左

參議阮友彰按察司按察使中等先官河南建文中坐事罷故今復之  
陞都督指揮僉事林帖木兒蘇火耳灰俱為都指揮同知指揮僉事委鬼力為都指揮僉事  
修陝西西安府灞橋

庚申

諭修實錄官曰自古帝王功德之隆者必有史官紀載垂範萬年我

皇帝太祖高皇帝神功聖德與

天地同運日月同明漢唐以來未之有也建文中

信用方孺等纂述實錄任其私見或乖詳畧之宜

或昧是非之正致盛美弗彰神人共憤蹈于顯戮咸厥自貽今已命太子太師曹國公李景隆為監脩太子少保兼兵部尚書忠誠伯茹瑄為副監修爾等皆茂簡才識裨職纂述其端乃心悉乃力以古良史自期恪勤纂述必詳必公用光照我皇孝創業垂統武功文治之盛與乾坤相為無窮期汝為無忝厥職矣欽哉  
陞金吾右衛千戶宋聚為金吾右指揮僉事旌其從征徐州出哨功也

辛酉

楚世子孟烷辭歸賜鈔六千錠其從官賜鈔有差



賜壽陽郡主清湘郡主白金文綺及鈔改江西  
布政司治寧王府都督陳質有罪伏誅初質  
江西都指揮建文中調守大同遂陞中軍都督同  
知擅作威福刻制代王僭取府中器物虜掠已附  
居民強奪良家子女至是事覺誅之

壬戌

命工部營平陽王府陞武成左衛指揮使楊青

薊州衛指揮使李貴潼關衛指揮同知吳凱驍騎

右衛指揮僉事凱任江西聚湖廣青陝西都司貴

山西行都司撒馬鬼罕歸附千戶亦剌思為錦衣

衛指揮使羽林前衛千戶沈擅任福齊聚金吾左

衛千戶康泰俱為指揮同知擅任俱本衛聚泰俱

金吾左衛羽林前衛千戶王禮金吾左衛千戶張

得林金吾右衛千戶沈任蔣義劉驢兒府軍後衛

千戶錢興前燕府儀衛正王義俱為指揮僉事王

禮錢興各任本衛張得林沈任蔣義劉驢兒俱金

吾右衛王義錦衣衛以金吾左衛指揮僉事周原

子鑑千戶郭成弟拜住俱襲陞府軍右衛指揮同

知

癸亥

夜金星八南斗杓第二星

甲子

賜晉王濟熺書令於護衛內撥馬步官軍四千隨  
丁郊命唐王桎郢王棟伊王操興平王尚焮永壽  
王尚烜冠 定北平守城功賞以北平永平保定  
為一例通州遵化為一例薊州為一例隆慶密雲  
後衛為一例各以歲月久近為等第自都指揮至  
民丁給賞若有差北平永平衛保定洪武三十二  
年至三十五年都指揮銀五十兩綵幣八表裏鈔  
一百六十錠指揮銀二十兩綵幣六表裏鈔百錠

千戶銀十五兩綵幣四表裏鈔八十錠百戶銀十  
兩綵幣三表裏鈔六十錠旗軍銀五兩絹三尺綿  
布四尺錠五十錠編伍舍人餘丁及民鈔五十錠  
洪武三十三年至三十五年都指揮銀四十兩綵  
幣六表裏鈔百錠指揮銀十五兩綵幣四表裏鈔  
八十錠千戶銀十兩幣綵三表裏鈔六十錠旗  
軍絹二尺綿布三尺鈔四十錠編伍舍人家餘  
丁民人鈔四十錠洪武三十四年至三十五年都  
指揮銀三十兩綵幣四表裏鈔百錠指揮銀十兩  
綵幣三表裏鈔六十錠千戶銀八兩綵幣二表裏



鈔四十錠百戶銀六兩綵幣二表裏鈔四十錠旗  
軍絹一疋綿布二疋鈔二十錠編伍舍人家人餘  
丁民人鈔三十錠通州遵化二處洪武三十二年  
至三十五年都指揮銀四十兩綵幣六表裏鈔壹  
百錠指揮銀十五兩綵幣四表裏鈔八十錠千戶  
銀十兩綵幣三表裏鈔六十錠百戶銀八兩綵幣  
二表裏鈔五十錠旗軍絹二疋綿布三疋鈔四十  
錠編伍舍人家人餘丁民人鈔四十錠洪武三十  
三年至三十五年都指揮銀三十兩綵幣四表裏  
鈔百錠指揮銀十兩綵幣三表裏鈔六十錠千戶

銀八兩綵幣二表裏鈔五十錠百戶銀六兩綵幣  
二表裏鈔四十錠旗軍絹一疋綿布二疋鈔三十  
錠編伍舍人家人餘丁民人鈔二十錠洪武三十  
四年至三十五年都指揮銀二十五兩綵幣二表  
裏鈔六十錠~~指揮~~<sup>指</sup>揮銀七兩綵幣二表裏鈔四十錠  
千戶銀六兩綵幣一表裏鈔三十錠百戶銀五兩  
綵幣一表裏鈔二十錠旗軍絹一疋綿布二疋鈔  
二十錠編伍舍人家人餘丁民人鈔三十錠薊州  
洪武三十二年至三十五年都指揮銀三十兩綵  
幣四表裏鈔百錠指揮銀十兩綵幣三表裏鈔六

十錠千戶銀八兩綵幣二表裏鈔五十錠百戶銀  
六兩綵幣一表裏鈔二十錠旗軍絹一疋綿布二  
疋鈔三十錠編伍舍人家人餘丁民人鈔二十錠  
洪武三十三年至三十四年五年都指揮銀二十  
五兩綵幣三表裏鈔六十錠指揮銀七兩綵幣二  
表裏鈔四十錠千戶銀六兩綵幣一表裏鈔三十  
錠百戶銀五兩綵幣一表裏鈔二十錠旗軍絹壹  
疋綿布一疋鈔二十錠編伍舍人家人餘丁民人  
鈔二十錠隆慶密雲密雲後衛三處洪武三十二年  
起至二十五年都指揮銀二十五兩綵幣三表裏

鈔六十錠指揮銀七兩綵幣二表裏鈔四十錠千  
戶銀六兩綵幣一表裏鈔二十錠旗軍絹布各一  
疋鈔二十錠編伍舍人家人餘丁民人鈔二十錠  
洪武三十三年至三十五年都指揮銀二十兩綵  
幣二表裏鈔四十錠指揮銀六兩綵幣二表裏鈔  
三十錠千戶銀五兩綵幣一表裏鈔二十錠百戶  
銀四兩綵幣一表裏鈔十二錠旗軍絹布各一疋  
鈔十六錠編伍舍人家人餘丁民人鈔十二錠  
以守城功賞遼東都指揮僉事徐剛銀三十兩綵  
帛四表裏鈔三十錠 復設餘姚千戶所



戊辰

以都指揮同知韋善為中都留守司副留守陞河南都司都指揮僉事徐勛呂均為本司都指揮使  
庚午

以右軍都督僉事袁義次子與襲父原賊府軍左衛指揮使初義卒長子旺襲賊坐誹謗流嶺南  
上兵至靈璧與以錦衣衛散騎舍人來朝至是特命

襲賊

辛未

山東青州諸郡蝗命戶部給鈔二十萬錠賑民凡

賑三萬九千三百餘戶仍令有司免其徭役  
陞  
蜜雲後衛鎮撫楊起為錦衣衛指揮僉事

壬申

谷王穗之國長沙賜馬二十四疋鞍一副銀五百兩鈔三萬六千錠錦十疋紵絲綾羅各六十疋絹九十疋羊二十腔酒二百瓶賜其從官都督長史以下及內官鈔有差  
寧夏總兵官左都督何福奏請所調馬步官軍在邊者五月一更以息之屯田韃軍內選饒勇者免徵其租令操習聽調河州多產馬購其良者以廣邊防把隘軍士宜給皮裘

狐帽禦寒悉從之勅福曰所籌邊務悉當朕意今冬寒正虜寇出沒之時尤宜嚴謹邊備回回有來市馬者聽須立官市於城外定其價官與收買為長久之法仍嚴出禁之禁凡諸事務悉宜慎察  
癸酉

復定海縣丞溫仲和尤溪縣丞益籌河南按察司僉事二人洪武中俱以監生署僉事建文中坐事降至是召還而實授之  
韃靼脫不花驢馱來歸賜衣紗綵帛居之京師

甲戌

漢書  
卷一百一十二  
卷一百一十二

詔隨征將士前有擄掠民間子女者悉還其家官給鈔錠人五錠馬道里費人有匿不還者罪之  
復設四川建昌衛中前中中二千戶所益井衛中右中前中後中中四千戶所寧番衛所中左中右中前中後中中五千戶所會千衛千戶所越雋衛左右中千戶所  
夜有星如鷄子大青白色尾跡有光出娄宿西北行至游氣月行太微垣端門中曉刻月犯左執法

乙亥

復盧淵兵部左侍郎淵建文中由左侍郎坐累被



謫至是以茹常言其才行故召復之改兵部右侍郎師達為吏部右侍郎

命五軍十三衛選銀牌殺手有膂力胆量身長五尺以上者充將軍衛宿衛

旌表鎮江府丹徒縣民唐川孝行川時以倉夫役京師母徐氏家居嬰疾川聞到股歆歸食之通政司以聞

上賜鈔十錠命為鴻臚寺序班使迎其母就養仍旌其門貴州都指揮張忠坐事謫寧夏聽總兵官河福都督調左軍都督僉事徐凱卒凱廬州合肥人

自少慷慨有志事

太祖高皇帝以軍功積官至都督僉事建文中守滄州以禦

上後為

上所禽釋而遣之凱願留自効從之仍其官祿至是以疾卒遣官賜祭未几凱母亦卒並給傳歸葬仍賜鈔米以卹其家

丙子

陞太常寺協律郎朱煒為本寺少卿奉祀謝言真葛清隱為寺丞甘州中衛左所軍張真上言臣

聞人君繼統之初天下之治亂所始也書曰與治道同固不興與亂同事固不亡欽

惟  
皇帝陛下嗣登寶位天下士民欣欣鼓舞莫不延頸仰望太平伏願

陛下以古聖王為法日與侍從大臣講求致治之道深謀慮以保

宗社寬恩布澤以固人心攬摧綱謹號令使上下齊一內外清寧取忠言納直諫使下情得達杜僥倖塞讒佞使奸邪不行別白是非審定好惡求逸民

徵有道取有用黜無益廣公田厚俸祿省刑罰薄稅歛擇將練兵懾服隣敵如此則

聖德日新皇風日遠蠻夷輸款絕域未歸太平之道指日可待矣又言馭夷狄之道在於任將御賢將之術以信御才將之術以信人君當覘其才之大小而任使之昔

太祖高皇帝選任智謀之將以制四夷是以邊境寧謐宇內宴然建文間雜以襲戢幼官膏粱子弟不遵約束數犯刑憲今涼州衛幼官尤多素昧武畧而驕奢日縱嗜酒貪淫遊獵為務其於邊事畧不



究心况本境夷虜雜處一失制馭為患不小伏望  
陛下慎選良將任以邊寄凡襲賊幼官悉改調內地  
此

聖朝久安之術也

上覽畢顧禮部侍郎宋禮曰雖堯舜禹之聖亦皆樂  
取人言以為治朕即位以來首下詔求言而言者  
無幾此成卒能上言雖不皆可乘然為國之意則  
善宜加賚之其賜衣一襲衣鈔千貫又顧禮曰居其  
位無其道君子耻之卿等亦毋嘿嘿守位而已  
設南海衛城西水驛

丁丑

陞兆州衛指揮同知刘昭為陝西都指揮僉事  
命禮部鑄內府午門東華西華玄武四門閔防條記  
詔罪人應發屯成者皆從六科給事中及行人司編  
次伍然後遣行以防奸弊

戊寅

賜周王捕鈔十萬錠 慶成王濟炫來朝 改建  
周王府於洛陽蓋王以汴梁城為河水所圯奏乞  
徙洛陽

上許之命都督馬溥工部侍郎劉仲庶相度規畫

陞太僕寺屬官丁維南為太僕寺丞改陝西按察  
僉事揚惟中署大理寺左寺丞徐誠為湖廣按察  
僉事山東布政司左叅政車泰為四川布政司左  
叅政宋伯羨為陝西布政司右叅政山東左叅政  
呂名善為雲南布政司左叅議擢桃源縣知縣陸  
廣平為廣西道監察御史

命兵部復設大寧營州興州三衛凡各衛官軍先調  
遼東等處及在京并有生事謫戍邊者皆令復原  
衛屯田命戶部尚書王純馳驛往北平與新昌伯  
唐雲經度屯種

己卯

陞中軍都督僉事宋晟為後軍左都督擢晟子洪  
為府軍右衛指揮使後子端為錦衣衛指揮僉事  
欽天監奏天象當有外夷犯邊勅邊將嚴守備  
夜有星如鷄子大赤色有光出翼宿經端門東  
北行至謁者傍



大明太宗文皇帝實錄

大明太宗文皇帝實錄

洪武三十五年十一月庚辰朔欽天監進永樂元

年大統曆

上御奉天殿受之頒賜諸王及文武群臣 夜有星  
如雞子大青白色光燭地出軒轅東北行入下台  
辛巳

勅鎮守遼東左都督劉貞曰向虜未入寇之時屢勅  
爾等嚴守備勿輕勿今聞虜入境劫掠此不用朕  
命故也其即收集各屯人畜於近城暫住嚴固邊  
備審度事機可發軍則發不可即止務在萬全慎

毋輕率前過深可為戒矣 擢監生馬賓為禮科  
給事中

壬午

命禮部清理釋道二教凡歷代以來若漢晉唐宋金  
元及本朝洪武十五年以前寺觀有名額者不必  
歸併其新創者悉歸併如舊 北平署布政司事  
儀賓李讓奏請七月以前各處商民中並未開引  
者暫停止先令北平中納候糧可足三年仍依前  
例戶部尚書夏原吉曰讓言雖善但商民舊中者  
守候已久難於再稽其北平新中者今置流通文

藉付運司令不次支給

上從原吉言 夜有星如雞子大青白色有光出天

廟西南行至游氣曉刻火星入亢宿

癸未

修常州府武進縣剝銀河閘

甲申

高平王濟燁來朝

上謂掌後軍都督府事雲陽伯陳旭等曰東北胡虜  
數入邊境窺闚虛實或徑自剽掠其令武安侯於  
千戶寨灰嶺慶州神樹西馬山七渡河皆設烟墩



候望有警即放炮使屯守知備仍令新昌伯以所  
領軍自小興州至大興州東接牛嶺會州塔山龍  
山諸處屯種北勿出會州西勿過千戶寨 陞都  
指揮使景福為右軍都督僉事都指揮僉事薛貴  
為後軍都督僉事徐甫為浙江都指揮同知並加  
賜資初

上陞功臣福等以有罪不預至是

上謂兵部臣曰諸將士從朕征討出萬死一生一資  
半級得之良難而武人不識禮義易於犯法朕既  
棄過錄功即可如例陞賞於是福等皆預恩命

陞錦衣衛指揮僉事劉智蕭遜葛能李敬俱為指  
揮使 遼東都指揮司奏近虜寇犯盤山驛虜掠  
人畜即督官軍邀之於<sup>尖</sup>山北賊海散追回男女  
百八十五人牛二百一十七頭又追至柳河迤北  
賊遠遁而還

上謂兵部臣曰雖能追奪所侵掠曷若先事有備使  
賊不能入境此皆邊將素不謹也仍馳檄戒飭之

乙酉

陞高郵衛指揮同知王傑為山西都指揮同知羽  
林前衛指揮使張森指揮同知董羨羽林右衛指

揮同知王銘俱為都指揮僉事森任河南都司羨  
浙江銘山東金吾右衛指揮同知方金羽林前衛  
千戶薛成王俱為指揮使任金吾右衛全興各任  
本衛羽林前衛指揮僉事錢聚金吾左衛千戶呂  
伍安孫斌大興左衛千戶車鑑俱為指揮同知聚  
伍安各任本衛斌羽林左衛鑑江淮衛羽林前衛  
千戶賀全脫火弓金左衛千戶王勉金吾右衛千  
戶王剛王得山海衛千戶唐成俱為指揮僉事全  
脫火弓俱任本衛勉剛成俱金吾右衛得孝陵衛  
命旗手衛故指揮僉事于海弟勇齮其兄職

丙戌

新作奉先殿成享

五廟太皇太后 思州宣慰使田琛來朝貢馬賜琛  
齧衣及白金綿綺 永順宣慰使彭添保保靖宣  
慰使彭萬里石砭宣撫馬良掛龍番等長官龍祖  
慶等各遣使貢馬及方物賀明年正旦賜鈔幣有  
差

設郴州郴江驛

丁亥

禮部進冊



皇后儀注先期三日齋戒遣官祭告

天地

宗廟用香幣酒脯行一獻禮前一日禮部用鴻臚寺  
官設詔案于奉天殿中節冊寶案于詔案之南節  
案居中冊東寶西設寶案教坊司設中和韶樂及  
大樂至日早錦衣衛官設鹵簿大駕內官設

皇后受冊位於宮中及設節冊寶案節案居中冊東  
寶西設香案於節案之前設內贊二人引禮二人  
設女樂于丹陛之上

上具皮弁服御華蓋殿翰林院官以詔書用寶訖鴻  
臚寺官奏執事官行禮畢奏請陞殿如常儀文武  
百官俱朝服行叩頭禮左右侍班正副使入就拜  
位贊鞠躬樂作四拜興樂止傳制官跪奏傳制俯  
伏興執事官舉節冊寶案由殿左門出置御道中  
傳制官由左門出西向立楹有制贊正副使跪制  
曰洪武三十五年十二月十一日冊妃徐氏為皇

后授以冊寶命卿寺持節行禮贊俯伏興樂作冊  
拜禮畢樂止執事官奉節冊寶置綵輿中黃蓋遮  
送樂作至奉天門樂止儀仗鼓樂迎節冊寶至右  
順門外正副使朝北立內官捧節冊寶由正門入

女樂導迎節冊節未至之前引禮請

皇后具礼服宮人侍衛以俟節冊寶將至引禮導

皇后出迎于宮門外節冊寶至由正門入

皇后隨至拜位內官以節冊寶各置于案樂作內贊

贊四拜樂止贊宣冊贊跪宣冊女官取冊立宣于

皇后之左宣詭贊受冊贊播圭宣冊女官以冊跪授

皇后受訖以授女官女官跪受于

皇后之右立于西贊授寶其授受一如冊贊出圭贊

興樂作內贊贊四拜樂止禮畢內官持節由正門

出

皇后出送于宮門外內官至右順門以節授正副使

報禮畢正副使得報持節復命翰林院官以詔書

授禮部官持詔書於承天門開讀如常儀

皇后受冊畢內官先具謁告儀物翰林院官具謁告

文

上率皇后皆具服詣

奉先殿行謁告禮如常儀謁畢

皇后具服於內殿候

上具皮弁服陞座贊引女官導詣

上前就拜位行謝恩禮樂作八拜樂止贊禮畢還宮



是日內官設

皇后座於宮中南向設諸親諸命婦拜位于墀內北  
向設儀仗女樂設內贊二人引禮二人引禮導長  
公主公主及親王妃侯

皇后具服陞座引禮引詣

皇后前行八拜禮次引六尚等女官行禮如之次引  
四品以上外命女行四拜禮贊跪內贊跪致詞云  
妾某氏等恭惟

皇后殿下榮膺冊命正位中宮禮當慶賀致畢贊俯  
伏興平身四拜禮畢次日文武百官上表命婦上

箋稱賀如常儀制曰可 陞金吾左衛千戶胡才  
輕為旗手衛指揮僉事 復安東中屯衛大同潘  
陽二屯衛俱隸北平都司銅鼓五開靖州三衛仍  
隸湖廣都司

戊子

禮部言在外文武五品以上衙門進賀冊

右表文其進中宮箋文原無定制諸司職掌惟言在  
京命婦進箋考之宋制至道三年冊右群臣奉箋  
稱賀國朝在外各王府及五品以上衙門凡遇節  
旦俱有進賀中宮箋文以此例之冊立中宮宜令

進箋稱賀從之

禮部又言親王儀仗合增紅油絹銷金兩傘一紅  
紗燈籠紅油紙燈籠各二對鮑燈一對大小銅角  
二對從之

己丑

勅鎮守遼東左都督劉貞曰開原騎士一千止留三  
百守備餘七百令還遼東與金復海蓋四衛騎士  
同操養威畜銳以俟若虜輕剽深入有可乘之機  
即出奇突戰非欲僥利益欲出彼不測而推沮之  
使不敢復入然後邊境可寧屯田軍士得安於耕

作若無机可乘則嚴固守備毋開邊隙 陞翰林  
院侍讀解縉為本院侍讀學士侍讀胡靖編修黃  
淮檢討胡儼皆侍讀修撰楊榮編修楊士奇檢討  
金幼孜皆侍講鞋鞞頭目伍丑驢自涼州奉朝命  
為錦衣衛指揮僉事

庚寅

陞營州右護衛指揮使張禎金吾右衛指揮使完  
者帖木兒指揮同知萬得俱為都指揮僉事禎等  
從

上征討常出哨徐州有功故論報之 陝西商縣言



本縣鳳凰山舊有銀坑八所乞令所司覈實定額  
開煎從之 夜月犯天囿星

辛卯

長山王賢峻未朝

壬辰

冊妃徐氏為皇后冊曰粵稽古典內治之隆媯汭  
嬪虞塗山翼夏姬周之盛本自姜任厚德承天爰  
倫攸叙昔我

皇考太祖高皇帝龍飛啓運身致太平亦惟我

皇妣孝慈高皇后坤元合德克相肇基日月光華照

臨下土化成俗美有闕睢麟趾之風淑慶方亨壺  
儀猶在咨爾徐氏中山武寧王徐達之女為朕正  
妃內助藩國二十余年朕躬行天討無內顧之憂  
濟朕艱難同勤開國今寰宇肅清朕登大寶克賴  
相成宜正位號今特遣使奉金冊金寶立爾為皇  
后以奉

神灵之統毋儀天下表正六宮爾尚遠遵古道謹守  
高皇后之訓夙夜儆戒永保貞吉耿光萬年于戲敬  
之是日詔告天下詔曰朕荷

天地神靈

祖宗敷治繼承大統華夏肅清稽于古典虞夏殷周  
之盛亦資內助以致雍熙朕

皇考太祖高皇帝肇修人紀惇典庸禮臻茲治  
平薄海內外室家相慶功德兼隆與

天同運亦惟朕

皇妣孝慈高皇后效法承

天肅雍顯相德配

聖神化家為國朕奉藩于燕垂二十年正妃徐氏開  
國元勳中山武寧王徐達之女達佐朕

皇考咸有一德格<sub>于</sub>

皇天惟申命用休君臣篤慶榮裕始終毓茲貞淑嬪  
茲肇封家政輯寧朕躬行天討無內顧之憂厚德  
嘉貞<sub>靈</sub>儀懿範同朕恭勤保茲

天命君臨爾萬姓之上是用于洪武三十五年十一  
月十三日命使奉金冊金寶立徐氏為皇后正位  
中宮共承

宗廟布告天下咸使聞知 文武百官命婦朝賀

中宮賜宴及紗綵幣表裏有差 廣澤王允<sub>通</sub>懷恩

王允燧至京皆免為庶人以素不能匡輔其兄也  
夜月犯畢宿右肱第一星



癸巳

上謂兵部尚書劉儁曰建文時軍官總小旗以罪罷  
戕後者罪多失當其皆復之洪武中罷戕後者令  
從邊將立功俟有功亦復之時鎮遠侯顧成鎮貴  
州都督韓觀鎮廣西劉貞鎮遼東何福鎮寧夏凡  
各處官旗立功者隨所近分隸焉

命都指揮同知王儀徐政俱任河南都司都指揮僉  
事楊欽祖任北平都司 遣校尉五十於江西補  
各郡王從人之闕 設雅州蒼溪龍灘虎跳三驛  
甲午

封皇

第三女為安成公主 以冊立中宮宴文武群臣四  
品以上于奉天殿五品以下于丹墀命婦宴于坤  
寧宮 設金華府雙溪馬驛

乙未

復荊州中護衛隸遼 王府改宣府護衛為長沙護  
衛仍隸谷王府以宣府所餘官軍設宣府左右二  
衛於保定屯守右衛于定州屯守改廣寧二護衛  
為廣寧左右中三衛隸遼東都司

丁酉

左軍都督僉事何濬坐不宿衛免官命于寧夏听  
總兵官左都督何福調

戊戌

冬至

上御奉天殿受朝賀大宴文武群臣及四夷朝使命

婦朝

皇后于坤寧宮賜宴

己亥

命普定衛故指揮使顧統子興祖襲其父官時尚幼  
令讀書習武藝候年十五任事統鎮遠侯成長子

成初歸

上於真定建文君聞之殺統至是

上憫統故特優恤之

戶部尚書夏原吉言竇鈔提

舉司鈔叔歲久篆文銷乏且皆洪武年號明年改  
元永樂宜併更之

上曰叔歲久當易則易不必改洪武為永樂蓋朕所  
遵用皆

太祖成憲雖永用洪武可也 曉刻火星入底宿

庚子

陞都指揮使梁銘為後軍都督僉事金吾左衛千



戶傳貴為本衛指揮同知 寧夏總兵官左都督  
何福奏北虜襲涼州掠近城三十里守將都指揮  
丁斌畏怯不進時舍人王榮差使在涼州見寇已  
去輒督兵窮追致官軍失利斌失執榮擅命皆當  
明正其罪

上命法司治斌榮罪福又奏邊警言不時而堪戰之馬  
少無以應猝遽命河南都司于屬衛選千五百給  
之

辛丑

高平王濟燁慶成王濟炫長山王賢峻辭歸各賜

鈔二千錠其從官賜鈔有差 撫安北平郡縣戶

部郎中李昶言真定武強縣南滹沱河決滄民田

五十餘頃宜亟脩治而民力不敷乞發傍近州縣

民及真定衛軍相叅修築從之 河南布政司叅

議杜驥按察司僉事吳燾石常都指揮僉事劉珪

有罪謫興州屯戍初周王未復國河水暴溢奄至

城內倉猝無所避驥等挈家入避王府又嘗乘馬

至端禮門下至是事覺法司論其罪謫之 夜有

星如彈丸大青赤色出文昌西約丈余發光如盞

大光燭地至紫微西蕃外

壬寅

遣使賈勅諭兀良哈韃靼野人諸部曰朕今統承天位天下一家薄四海內外俱効職貢近邊將言爾諸酋長咸有歸向之誠朕用嘉之特令百戶裴牙失里賈勅諭爾其各居邊境永安生業商賈貿易一從所便欲來朝者與使臣偕至

上以比平左布政使郭贊有守城功陞戶部尚書仍僉都布政司事賜銀三百兩文綺二十疋有副鈔五百錠 夜月犯太微東垣上相星

癸卯

遣太監鄭和祭乳母馮氏 岷王梗來朝 夜有星如雞子大青白色有光出子星南行至游氣

甲辰

改山東按察副使林崧為廣東按察副使 陞金吾左衛千戶者兒兀為本衛指揮僉事 吏部言舊例教授滿九年任內諸人有舉人九名又考本官通經者陞用舉人四名及考通經者從本等用舉人不及四名又考不通經黜降別用今四川順慶府儒學教授馮莊甫考通經任內止有舉人三名請降用



上命降學正著為令又言鹽課提舉司考滿舊無定  
例宜如稅課司局官三年赴布政司按察司考覈  
九年赴部通考從之 都察院副都御史陳瑛言  
皇上順天應人以有天下四方萬姓莫不率服然  
車駕初至京師有不順命而效死於建文者如禮部  
侍中黃觀太常寺少卿廖昇翰林院修撰王叔英  
衡府紀善周是脩浙江按察使王良沛縣知縣顏  
伯偉等計其存心與叛逆同宜追戮之  
上曰朕初舉義誅姦臣不過齊黃數輩耳後來二十  
九人中如張統王純鄭賜黃福尹昌隆皆宥而用

之今汝所言數人况有不與二十九人之數者彼  
食其祿自盡其心悉勿問蓋上初入京師昇及自  
修自經死觀時安慶投江死叔瑛守廣德自經死  
良在官闔家自焚先是

上兵至沛縣伯偉不肯下與其子俱死後瑛閱方孝  
孺等獄詞遂簿錄觀叔英家妻女皆將給配觀妻  
出通濟門先擠其二女子河遂自沉叔英二女皆  
筭就錦衣衛獄俱赴井死

乙巳

陞燕山前衛總旗苗從義為指揮使從義首預平

定九門後累有軍功故特超用之

朝鮮國王李芳遠遣陪臣河崙等奉表朝賀貢馬  
命禮部宴勞之 西畧回回蘇哈丁陝西丁等二  
百人來朝貢馬百六十駱駝二賜鈔有差

丙午

製陪祀官祭服二百襲樂舞生紅羅袍服二百一  
十四襲 復河南布政司右叅議邢政按察僉事  
魏本立官初政等建文中坐罪謫戍廣西故召復  
之 廣西安隆峒土酋岑子得來朝貢馬請設治  
所 夜金星犯壘壁陣西第五星曉刻月犯罰星

丁未

陞彭城衛指揮使朱廣為山東都指揮僉事羽林  
前衛指揮使粟義為山西都指揮僉事論其從隆  
平侯張信直治之功也

戊辰

陞都指揮僉事周興金吾右衛指揮使王弼俱為  
都指揮同知興任大寧都司弼山東金吾左衛指  
揮使王福金吾右衛指揮使李善張山蘓州衛指  
揮使衛青俱為都指揮僉事善任浙江都司山遼  
東青掌中都留守司福掌旗手衛掌和陽衛羽林



前衛指揮同知楊成李旺金吾前衛指揮同知汪  
海金吾左衛指揮僉事謝敬周玉金吾右衛指揮  
同知宋得義橫海衛指揮僉事陳貴俱為指揮使  
成任府軍右衛彬旺俱羽林前衛閔錦衣衛得義  
羽林左衛海玉俱金吾前衛貴勝俱金吾右衛敬  
府軍後衛羽林前衛指揮僉事顏晃忽楊仲和迭  
里必失千戶李勝金吾左衛指揮僉事鄒壽韓貴  
韓興劉義千戶宋義鄒亨邢貴李英劉成崔旺楊  
鐵塊張成馮得金吾右衛指揮僉事馬陰千戶郝  
海方原朱能孫成李榮陳興羽林左衛指揮僉事

筮貴府軍後衛指揮僉事劉真薊州衛指揮僉事  
尚和府軍衛指揮僉事郝玉燕山左衛千戶鄧成  
鎮江衛千戶王溫永清左衛千戶夏春俱為指揮  
同知顧晃忽仲和迭里必失溫俱任羽林前衛壽  
張成俱羽林左衛春羽林右衛勝陳興和俱旗手  
衛韓貴韓興榮俱孝陵衛宋義享邢貴劉義英刊  
成鐵塊旺俱本衛鄧成筮貴俱金吾後衛玉府軍  
衛得府軍左衛海原龍孫成俱府軍右衛隆真俱  
府軍後衛羽林前衛千戶汪文劉仁張禮李雙兒  
黃真李海劉聚閔隆徐五金得金吾左衛千戶趙

隆吳興劉榮劉得段著傅瑜莊鐸金吾右衛千戶  
李整馬玉王興李青李榮燕山左衛千戶吳琛羽  
林左衛千戶王龍羽林右衛千戶蔣旺府軍衛千  
戶張旺通州衛千戶張羨高郵衛千戶楊瑋太原  
前衛千戶鎖孛哈父紐兒該前燕府儀衛正袁江  
俱為指揮僉事江任錦衣衛文旗手衛仁真俱本  
衛能瑜紐兒該俱羽林左衛趙隆羽林右衛鐸禮  
吳興俱金吾前衛整玉王興青蔣旺俱金吾右衛  
得金吾後衛雙兒瑋聚海張旺俱府軍衛琛府軍  
左衛義劉榮俱府君右衛著閔隆五金得俱府軍

後衛季榮江淮衛擢金吾左衛軍孟全為本衛指  
揮同知初全隨征至渡江累有奇功故特超陞之  
己酉

以湖廣襄陽府知府陳禎為鴻臚寺右少卿陞鴻  
臚寺左寺丞焚敬為左少卿改右寺丞嚴朝貴為  
左寺丞 夜有星如雞子大青白色尾跡有色出  
太子旁東北行入天棊曉刻有星如盞大赤色光  
燭地出紫微西蕃內東北行入輦道二小星隨之



大明太宗文皇帝實錄

大明太宗文皇帝實錄

洪武三十五年十二月庚戌朔

上南郊省牲還御奉天門進公卿大臣諭之曰祭祀  
莫大於郊古者犧牲粢盛不備不潔不敢祭而帝  
牛滌三月其敬如此明日以始卿等繼朕省牲便  
應兼對越之誠不可怠忽自古天子之祭皆公卿

助相國家生民受福卿等亦預享之不可不謹

寧化王濟煥永和王濟娘來朝 以宋琥為駙馬

都尉尚皇第三女安成公主琥後軍左都督晟長

子也 陞通政司右通政李至剛為禮部尚書也

上以比平山東河南鳳陽淮安揚州徐州等處曾經  
兵革民力未蘇令工部覈其歲辦之物量免有差  
免山東濟南州民歲辦絲革野味等課以其流  
徙初歸故也

辛亥

上諭禮部臣曰公侯年老者皆歷事

皇考多效勞動今筋力既衰日與群臣並入朝參覲  
其步趨之艱朕所不忍自今令朝朔望其見任者  
不在此例

壬子

勅兵部嚴武臣冒襲之禁初

上即位念諸將勤勞既老而無子孫弟姪者特許養  
子或壻襲職一次以終養之用報前功其後有冒  
緣冒襲者故特禁之

癸丑

蠲北平山西山東河南鳳陽淮安揚州徐州被兵  
郡縣永樂元年夏稅農桑絲綿其山東鹽運司累  
歲所虧鹽課亦蠲之

勅戶部以遼王植之國荊州谷王穗之國長沙二府  
歲用祿米已有定制其荊州長沙在城商稅各與



之

甲寅

遣使賈詔諭哈烈撒馬兒罕等處并賜其酋長金織文綺 遣使賈詔諭別失八里王黑的兒火者并賜之綠幣黑的兒火者元氏苗裔也 戶部尚書夏原吉等進會議在京官吏軍士俸糧支米欵格公俊伯駙馬儀賓祿並全支米其文武官一品二品俸支米者什之四三品四品什之五五品六品什之六七品八品什之八餘折支欵每石折欵五貫九品雜職吏典知印總小旗軍並全支米俸

天征討自指揮以下有家屬者亦全支米家屬在原衛者其米於京倉支什之三于原衛支什之七總小旗軍俱于原衛支米在京每月別給行糧米六斗悉從其議命俸米折支鈔者每石增五貫為十貫

乙卯

復設天下郡縣陰陽醫學導舊制也 陞鴻臚寺序班現清本寺右寺丞現清韃靼人以通虜中文字故進用之

丙辰

命中都留守司副留守韋善往潞州修葺慶成王府諭之曰此非王之定居毋浮於制以勞吾民設雲南孟養木邦孟定三府威遠鎮沅二州以土官頭目刀本旦為孟養知府罕的法為木邦知府刀渾立為孟定知府刀算黨為威遠知州十夫長刀平為鎮沅知州

陞都指揮僉事張麟為陝西都指揮同知 鳳陽府奏請移浮橋于舊城臨淮馬頭從之

丁巳

實授前署浙江道事監生汪真為本道監察御史

命吏部欽天監正佐官歲滿不考覈著為令時監副徐伯陽考滿吏部言監副非四品以上官宜加考覈

上以欽天監職專占候非常調官故有是命 陞都指揮僉事李賢金吾左衛指揮使溫原金吾右衛指揮同知章旺俱為都指揮同知賢旺俱任遼東都司原河南羽林前衛指揮使高文指揮僉事洪宗營州中護衛指揮使范嵩揚州衛指揮使牛諒武昌衛指揮使謝鳳廣寧右護衛指揮使徐州通州衛指揮同知左興俱為都指揮僉事惟鳳任浙



江都司宗河南羽林前衛指揮同知陳中華來王  
聚金吾左衛指揮同知孔武高成孫福揚家奴指  
揮僉事伯顏帖木兒金吾右衛指揮同知劉斌魏  
王黑廝指揮僉事錢通燕山左衛指揮同知王福  
大寧左衛指揮同知孟祥通州衛指揮同知張敬  
俱為指揮使武成孫福揚家奴敬伯顏帖木兒俱  
任金吾左衛正黑廝俱金吾右衛祥全吾後衛王  
福華來俱羽林前衛中武俱府軍衛通府軍右衛  
聚府軍後衛羽林前衛指揮僉事高昭張剛賢浩  
千戶高清魏興金吾左衛指揮僉事劉欽盛瑄周

金吾左衛故千戶王十馬子敬襲陞本衛指揮同  
知廣西總兵官右軍都督同知韓觀言近禮部  
員外郎李宗輔等賈勅撫<sup>諭</sup>叛蠻臣即遣官與之  
俱往今桂林諸郡蠻民五千九百餘家已復業惟  
思恩縣叛蠻千五百餘戶尚未向化而桂林慶遠  
柳潯四府累報蠻賊常公察常多成譚公安等拒  
殺官軍及良民六千五百餘人劫搶牛馬五千四  
百有奇此悉犷獍素梗王化累嘗作亂非可以化  
服

上命復業者善加撫恤梗化者發兵誅之以臘日

賜群臣文武宴

戊午

四川安順等州土官恩得等未朝貢馬賜之鈔幣  
已未

陞金吾左衛指揮使張軍子營州衛指揮使朱瑤  
宿州衛指揮同知雷春俱衛都指揮使山西行都  
司都指揮僉事董忠羽林前衛指揮使趙麟俱為  
都指揮同知羽林前衛指揮使王與金吾左衛指  
揮使周貴阿迷失里指揮同知張勇阿罕赤金吾  
石衛指揮使盧伯奴木刺忽祈州衛指揮使闞義

前

鑑劉海白玉也先千戶審成陳貴張安兒裴忠金  
吾右衛指揮僉事姜昇張海李玉劉鑑千戶韋志  
馬俊周敬李剛傅斌鄭馬周興金吾後衛千戶苗  
清燕山右衛千戶王得亨羅濟寧左衛千戶張震  
彰德衛千戶史忙哥薛兒俱為指揮同知旺俊俱  
任孝陵衛劉海也先安兒震得亨羅忠馬周興史  
忙哥薛兒俱金吾左衛昇志俱金吾右衛青金吾  
後衛張海張剛浩俱羽林前衛王劉鑑俱羽林左  
衛清敬李剛俱府軍衛斌府軍左衛瑄周鑑成貴  
俱府軍右衛昭魏興俱府軍後衛欽虎賁左衛羽



林前衛千戶李旺紀綱吳仲安金吾左衛千戶丁  
貴揚安盧真許貴金吾右衛千戶王真王忠梁山  
盧膺童長吉田景道李靖崔得宋聚丁旺蕭成徐  
仲良燕山前衛千戶許安羽林衛千戶謝貴劉彥  
深富峪衛千戶戚義營州衛千戶程子實蔚州衛  
千戶柳旺俱為指揮僉事得任孝陵衛深金吾前  
衛丁貴王真忠山膺童長吉景道靖俱金吾右衛  
李旺謝貴俱羽林前衛盧真羽林左衛聚丁旺成  
義俱羽林右衛楊安旗手衛許安虎賁左衛剛仲  
安子實俱府軍衛柳旺仲良許貴俱府軍右衛命

永平衛指揮使聞忠八郎金吾右衛指揮使高連  
萬全衛指揮使黃寶蔚州衛指揮使丘義大同右  
護衛千戶廖斌俱為都指揮僉事軍千寶俱任山  
西都司忠斌丘義俱山西行都司瑤麟貴阿迷失  
里興闕義勇俱大寧都司盧伯奴木刺聞忠八郎  
俱北平都司羽林前衛指揮同知劉興千戶忙哥  
帖木兒沈縉興金吾左衛指揮同知劉友才指揮  
僉事高成金吾右衛指揮同知張福俱為指揮使  
羽林前衛指揮僉事雍行簡千戶劉旭金吾右衛  
指揮僉事呂中朱得成上都驢濟州衛千戶袁拾

俱衛指揮同知羽林前衛千戶張福為指揮僉事  
又才興張福成忙哥帖木兒纏興俱任羽林前衛  
行簡旭拾俱金吾左衛得成上都驢指揮張福俱  
金吾右衛中府軍後衛命羽林前衛故千戶范驢  
馬子祥襲陞本衛指揮同知買買于伴必襲陞本  
衛指揮指揮僉事燕山衛千戶王僧兄弟智襲陞  
金吾左衛指揮同知

庚申

以守城功陞北平保定府知府維僉為刑部尚書  
仍掌保定府事賜銀二百五十兩文綺十八疋有

副鈔四百四十錠

陞萊州衛千戶李寶為山東都指揮僉事彭城衛  
千戶劉成戚敬吳瑛俱為指揮使金吾左衛千戶  
王璿武整金吾右衛千戶譚俊燕山前衛千戶王  
雲彭城衛千戶秦興百戶齊甫俱為指揮同知金  
吾右衛千戶馬閏燕山左衛千戶劉得侯從善彭  
城衛千戶李能王成俱衛指揮僉事劉成任金吾  
前衛戚整甫璿武整俊得從善能俱金吾左衛瑛  
王成俱金吾右衛雲金吾後衛興俱羽林前衛

辛酉



勅鎮守雲南西平侯沐晟曰西南諸夷難服易叛昔  
太祖高皇帝命爾父鎮之夷民畏服爾其恪盡乃心  
嗣爾父之勲績敬哉毋忽 設廣西安隆長官司  
給印信隸泗城州以安隆峒土酋岑子得為長官  
子得洪武中嘗領土兵策應官軍攻討蠻寨未錄  
其功至是自陳遂命開設衙門撫綏土人仍置流官  
吏目一員 寧夏總兵官左都督何福以邊地降  
虜有叛去者請舉兵討之

勅諭福曰夷虜譎詐不可憑恃自古則然但今朝廷  
大体當以誠心待之春秋馭夷之道未者不拒去  
者不追蓋彼之來既無益於我則其去也亦何足  
置意况其同類頗衆其間必有相與為親戚者今  
若以兵討叛其未叛者亦將置疑不若姑聽其去  
但嚴兵備固疆圉養威觀釁順天行事如造次輕  
舉後悔無及

壬戌

定梁集軍更代法初衡州府耒陽縣民王丑保言  
洪武中戶三丁已上梁正軍一名別有帖戶正軍  
病死貼戶丁補役今編黃冊未審惟編正戶為軍  
或改編貼戶命禮部會官議禮部議奏會議以止

軍貼戶造冊一如舊制輪次更代週而復始若貼戶止有一丁者免之當軍之家免一丁差役從之

癸亥

加遼王植祿米五百石歸其在城商稅於有司

復慶遠衛軍民指揮使司改廣寧中左右三衛仍為中左右前後五屯衛設寧夏左右中前四屯衛

西寧衛土官衛鎮撫李南哥進馬賜鈔二百錠

綵幣十表裏

甲子

陞保定府同知盧祥為北平布政司右叅議躡官

怯烈帖木兒哈刺脫散李刺兒未歸賜銀鈔文綺

襲衣有差仍授千百戶之職怯帖木兒言怯烈躡官

阿卜都罕等五百餘人居塔灘之地俱欲內屬

上勅寧夏總兵官左都督何福曰可遣官一員與怯烈

帖木兒往塔灘護阿卜都罕等前來則擇善地處

之若其欲朝亦遣人送未

乙丑

陞池州銅陵縣典史張璉為通政司左通政璉初

任北平按察副使生前藩邸事黜降故召用之

擢儒士軒伯昂為山東布政司左叅議



上初即位詔求懷才抱德之士江西首以伯昂應詔  
故超用之

陞金吾前衛指揮僉事徐膺緒為中軍都督僉事  
膺緒中山武寧王達之季子

皇后弟也 戶部尚書夏原吉等言比者河南山東  
等處未價翔踊北平益糧價重商民以中宜以原  
定淮浙益糧量減五升每引止令納米二斗五升  
其河南并川益仍如前議從之

丙寅

河間滄州益山等縣饑詔民採益易米者勿禁

撫按北平郡縣戶部中李昶言郡縣之民雖多復  
業今尚艱食且乏牛耕種

上命官市牛給之 夜月犯軒轅御女星

丁卯

命成安侯郭彥鎮守永平山海操練軍馬撫安軍  
民

上問兵部尚書劉儁曰今天下畜馬幾何儁對曰比  
年以兵興耗損所存者二萬三千七百餘匹

上曰古者掌兵政謂之司馬問周君之富數馬以對  
是馬於國為最重我朝置太僕專理馬政各軍衛

皆令孳牧雖建文不君耗損者多然亦考牧無法  
卿等宜循洪武故事嚴督所司用心孳牧庶幾有  
蕃息之效

陞前燕府良醫正韓公茂為太醫院判 復河南  
布政使黃繼先官繼先建文中生累為民至是赴  
京自陳故復之 設徽州府歙縣新安驛

寧夏總兵官左都督何福言陝西廣西行都司軍  
士精銳者下屯疲軟者操備非防邊捍敵之道宜  
簡閱而易置之庶各適用且寧夏各衛馬軍不善  
騎射者一槩全支月糧宜簡閱依步兵半給悉從

之

戊辰

陞都指揮同知趙忠為後軍都督僉事北平都指  
揮同知吳成雲南前衛指揮使胡通俱為都指揮  
使羽林前衛指揮使李騰指揮同知劉得臨洮衛  
指揮僉事李智金吾左衛軍士李信俱為都指揮  
僉事成任北平都司通貴州騰湖廣得山西智陝  
西行都司信掌金吾左衛事金吾右衛指揮同知王  
中燕山右衛指揮同知娼滿可羽林前衛千戶吳  
善府軍後衛千戶脫大赤俱為指揮同知羽林前



衛指揮僉事楊興史能千戶蕭能金吾左衛指揮  
僉事馮得何興周忠張達千戶朱海周玉司存向  
忠張英胡順王壽苦失帖木兒徐原鬼禮儲從禮  
鮑林泉金吾右衛指揮僉事柳剛千戶鼓旺王忠  
燕山左衛千戶王保保百戶張雄軍士張戶子疎  
欽張貴羽林右衛指揮僉事蘇大兒灰留守右衛  
指揮僉事李景陸涼衛指揮僉事陳貞濟陽衛千  
戶董敬王士宜百戶徐貴大寧右衛千戶周能彭  
城衛千戶張敬俱為指揮同知羽林前衛千戶謝  
榮智成傳教卜仲張雄金吾左衛千戶蕭興齊整

談廣普祥繆忠趙成金吾右衛千戶擅勝苗敬張  
榮朱祥曹旺成得金吾前衛千戶任旺薛真燕山  
衛千戶劉旺忠義中衛千戶樊榮會州衛千戶鄧  
時太寧右衛百戶武灝羽林衛軍士任勝俱為指  
揮僉事中娼滿可馮得擅勝苗敬張榮朱祥繆忠  
趙成劉旺俱為金吾右衛善羽林衛脫大赤周能  
謝榮俱府軍後衛蕭能存向忠英順壽苦失帖木  
兒原鬼里從禮林泉張敬董敬士宜徐貴戶子欽  
張貴達指揮同知張雄俱金吾左衛智成真俱金  
吾前衛王忠任旺普祥時俱金吾張衛史能仲任

勝興俱羽林前衛何興保保王廣指揮僉事張雄  
俱羽林左衛大耳灰彭旺整俱羽林右衛海貞俱  
府軍衛樊崇灝俱府軍左衛剛周忠曹旺傅敬俱  
千戶劉得子敬侯仲良孫青龔陞金吾左衛指揮  
同知皆以征討累立戰功故不次而用之  
己巳

金華府義烏縣儒李教諭高澤上言謂歷代之興  
替本於人臣之忠佞忠臣致治之本佞臣治亂之  
源故為人君者當去奸邪而近忠直昔

山下石印在  
後十三日由

太祖高皇帝親理萬幾擢任忠良政令由己是致天  
下一統治教休明迨建文嗣位政令利賞委之臣  
不其臣互相朋扇擅作威福

祖宗良法善政往往改更

陛下觀此奸孽興兵討亂扶持

宗社保安生民

上天默相以<sup>寡</sup>勝衆遂得繼承鴻業君臨天下天下

仰之如父母夫父母於子必措之生全之地去其

危忘之患其要在於任賢勿二去邪勿疑遠宗堯

舜近法



先帝兼聽無偏勵精求治選識達之臣朝夕議政無  
謂治功已成而忘維持之道也且維辟作福惟辟  
作威紀綱不可以不振政柄不可以下移願總攬  
樞綱政令由己出勿容臣下得以擅專則政柄有歸  
天下稱為明君矣自古

帝王必虚心納言自今臣民有所論奏願假以辭色  
使得各盡其情善者未之不善者置之則貴臣不  
敢蒙蔽下情得以上達忠言日聞天下之事無壅  
事帶矣書曰民惟邦本無民何以為國北土自建文  
以來人民窘於衣食率多流移今令各還原籍免

其三年差稅恩至厚也願令有司凡已復業者用  
心撫綏貧不能還鄉者聽其收成復業庶得兩便  
上嘉納之以示六部尚書侍郎曰踈遠之臣猶能存  
心國事在朕左右受腹心之托者當思正直自奮  
用副委任

庚午

陞雲南都指揮同知王俊為都指揮使

辛未

命戶部歲給齊王搏祿米一萬石 賜代王桂書

曰吾弟言女戶徐忠欲得於奉天靖難功臣例陞

指揮使徐忠本黨附群奸以為我者為吾弟故釋  
之不問而忠猶妄覬非分之恩且忠何功欲得陞  
官朝廷以名爵為激勸有功者不敢吝無功者不  
敢濫惟其至公乃足服衆今若無功濫予將來何  
以使人舊制女戶今授徐宗以百戶庶幾不違  
皇家考法

上諭禮部臣曰明年正旦在京文武官在外來朝官  
及四夷之使俱令御宴監生生員吏典僧道軍民  
人等並賜鈔如舊制

壬申

陞北平行都司都指揮僉事張忠為都指揮使營  
州中護衛指揮使朱瑤為都指揮僉事旌其守城  
功也保定左衛指揮王剛保定中衛指揮使潘禮  
保定前衛指揮使尸整俱為北平行都司都指揮  
僉事初剛等守行都司與敵相拒四十餘日卒完  
其城故特加超擢修江西上饒縣浮橋

戶部尚書掌北平布政司事郭資奏北平保定永  
平三府之民初以槩集充軍隨征有功者已在爵  
賞中矣其刃弱守城者病亡相繼輒取戶丁補役  
故人民哀耗甚至戶絕田土荒蕪今宜令在伍者



籍記其名放還耕種俟有警急仍復徵用其幼小紀錄者乞削其軍籍俾應民差從之時掌北平都司儀賓袁容泰寧侯陳珪亦奏北平軍士屯糧差遣者多守城者少若從資言放還實闕守備

上曰守備不可闕田土亦不可荒棄然此皆良民初以義募於今遣還田里宜也竟從資言

癸酉

上謂戶部尚書夏原吉曰江北地廣民稀務農者少

皇考時常遣人督民耕種近因兵革蝗旱人民流徙廢今不及時勸民使盡力農畝將不免有失所者

未春宜早遣人督勸因曰古者民無菜色然後天子食日舉以樂朕為天子誠使四海皆給足雖不盛饌以樂侑食未嘗不樂

甲戌

壽昌王孟焯未朝

陞福建布政司左叅議郭進為山東布政司左叅政四川布政司左叅政孫伯堅為山東按察使丙子

加岷王鞭祿米四百石歲通二千石舊與在城商稅歸之有司

命戶部歲給

永嘉公主祿米千石 以雲南尋甸軍民府土官知府妙姑男婦沙觀襲土官知府

丁丑

上以北平所屬順德保定諸郡連年兵革俱民衣食不給詔戶部運鈔三十萬錠賑之戶一口至三口錠五錠三口至八口十口十錠九口以上十二錠復設徽州府祭祀樂器視親王宜有降殺然舞佾諸侯云不可減其琴笙及歌工請殺以便從之直隸蘇州府嘉定縣民周程上言東<sub>吳</sub>水利舊

有三江曰錢塘曰吳淞曰婁江民間數百萬錢糧皆仰於此吳淞一江跨連蘇松之境東抵滄海西接太湖澱湖湖水溢則洩於海海潮漲則通於湖近年以來沙土壅塞為平地二百五十餘里水脉不通五六月間天時亢旱高田稻苗乏水灌溉百姓坐視枯槁至七八月秋雨霖霽湖水漲溢低下之處盡為污池通洩無所收成之禾坐視滄沒至於徵糧之際則典鬻男女蕩折產業不能<sub>盡</sub>償甚至棄業逃散骨肉分離誠可憐憫乞勅工部差能幹官吏親詣其處丈量計工今於農隙之時<sub>役</sub>民



疏鑿所謂因民之利而利之也從之

夜有星如雞子青白色有光出軍門東南行入庫樓

戊寅享

太廟 夜有星如雞子大青白色光燭地出太陽中

旁西北行至北斗柄 是歲天下戶十六十二萬

六千七百七十九口五千六百三十萬一千二十

六賦稅銀三千四十五萬九千八百二十三石布

綿五萬六千七百四十四疋絲綿二十六萬九千

四百斤綿花絨萬四千八百二十二斤課鈔四百

六十一萬六千八百一十六錠銀八千三百五十

四兩銅二千一百二十八斤鐵七萬五千二百五

十二斤鉛萬七百五十三斤硃砂四百八十兩海

肥四萬八千八百九十四索茶一百六十五萬九

千一百一十七斤鹽一百二十九萬一十九引

大明太宗文皇帝實錄







